


新青年

LA JEUNESSE

陳獨秀先生主撰

中華民國郵務局特准掛號認爲新聞紙類



原 名 青 年 雜 誌

第 二 卷 第 三 號

上 海 群 益 社 印 行

會話作文必備之書

英漢雙解辭典

▲大本一册定價二元五角▼

▲小本一册定價一元六角▼

棋盤街

上海 羣益書社 印行

字之構造本乎事。事之意有淺深。故字之義有顯晦。淺顯者易說。深晦者難明。此徵之各國。而皆然者也。中英兩國地異俗殊。譯解之字典。欲求字字悉與原文吻合。毫無遺義。殊屬難能之事。海通數十年。我國行用之英文字。與僅祇漢譯單解一種。每有字義曲奧。不易知曉者。非索攷於英文原本。不可。然此非積學之士。有所不能。中等程度。未易語此。本社欲補斯缺。特編此雙解之本。凡舉一字。既有漢文譯解。復列英文原解。兩相比照。真義自見。可無疑闕不通之苦。茲請述其特色。

雙解之益。既如右述。雖未敢因此抹殺一切單解之詞典。然其所以彌補單解詞典之缺項者。實不為少。不獨有助於漢譯之本。且能補英文原本所不及。此蓋我國前此所無。而當今僅有之本也。

- 本書用最新最良之編纂法
- 本書蒐集英文中極必要之文字
- 本書既知英文釋義之深微
- 本書復知漢文釋義之確詰
- 本書兩解參照。足為練習翻譯資料
- 本書於讀書釋解。增旁疏引証之功
- 本書於會話作文。長活用英字之力
- 本書為中等程度預植讀英文專書之基礎
- 本書與單解辭典異其功用。而收效最大

科學

科學第二卷第十一期目錄

插圖	多爾頓像	楊君永言遺像	
說時	倫理時	趙元任
振動之週期		王又癡
吾人常夢之證		錢治瀾
歐洲之水電業		廖慰慈
冲積鑛探掘法述略		楊銓
鑛業勘察撮要		陳藩
說火泥		嚴莊
裂殖菌通論		薛桂輪
說畜牧		鍾心煊
近世化學家列傳	多爾頓	李寅恭
調查	三年內日本鐵產進出口額表	任鴻雋
雜俎	古諺今日觀	人體之熱量	類之由來
附錄	百與百學	楊永言

每冊二角五分 全年二元五角 郵費每冊三分
 總發行所 上海靜安寺路五十一號中國科學社
 代售處 上海及各省商務印書館 中華書局

上海棋盤街
羣益書社出版

中學教科書
數學

此數書皆日本近年最通行之教本。本社譯編為中學校數學教科書。其主旨在體例整嚴。取材簡括。使教者於教授時。有講演發揮之餘地。又別編各部門題詳解。以備教者學者參攷自習之用。尤為便利。

<p>幾何問題詳解</p> <p>仇毅 著 定價七角</p>	<p>代數問題詳解</p> <p>易應 著 定價一元二角</p>	<p>算術問題詳解</p> <p>李光 著 定價九角</p>	<p>三角之部</p> <p>黃邦柱 編譯 定價六角</p>	<p>幾何之部</p> <p>仇毅 編譯 定價八角</p>	<p>代數之部</p> <p>趙線 編譯 定價一元三角</p>	<p>算術之部</p> <p>趙線 編譯 定價一元二角</p>
------------------------------------	--------------------------------------	------------------------------------	------------------------------------	-----------------------------------	-------------------------------------	-------------------------------------

一 告 通

本誌自出版以來，頗蒙國人稱許。第一卷六冊已經完竣。自第二卷起，欲益加策勵，勉副讀者諸君屬望，因更名爲新青年。且得當代名流之助，如溫宗堯、吳敬恒、張繼、馬君武、胡適、蘇曼殊、諸君，允許關於青年文字，皆由本誌發表。嗣後內容，當較前尤有精采。此不獨本誌之私幸，亦讀者諸君文字之緣也。

二 告 通

本誌自第二卷第一號起，新開「讀者論壇」一欄，容納社外文宇。不問其「主張」「體裁」是否與本誌相合。但其所論確有研究之價值者，即皆一體登載。以便讀者諸君自由發表意見。

新青年

第二卷第三號目次

(民國五年十一月一日發行)

憲法與孔教.....陳獨秀

軍國主義.....劉叔雅

碎簪記.....蘇曼殊

歐洲花園.....劉半儂

劇悲弗羅連斯.....陳蝦

赫克爾一元哲學.....馬君武

當代二大科學家之思想……………陳獨秀

歐洲飛機陣中之中國青年……………記者

再論工具……………吳稚暉

青島茹痛記……………淮陰釣叟

國外大事記……………記者

國內大事記……………記者

通信

北京清華學校參觀記……………程宗泗

世界說苑……………李亦民

第二號正誤表

頁

行

誤

正

意中人

六

ST

ST

三

二九

Sar

Sir

現代文明史

三

三

民族

民族

國外大事記

一

上十三

面

西

同

下五

砲壘

砲壘

同

下十二

砲門

砲台

同

下十六

起接

起接

同

下十八

地亞

地區

同

上十七

機門

機關

同

下一

砲門

砲台

同

下十三

哇砲台

哇若砲台

同

國內大事記

下六

給機

給機

同

下十四

郵家屯

郵家屯

第一號正誤表補遺

當代二大科學家之思想

二

七

之四

三因

通信

九

二

實際

實際

憲法與孔教

陳獨秀

「孔教」本失靈之偶像，過去之化石，應於民主國憲法，不生問題。祇以袁皇帝干涉憲法之惡果，天壇草案，遂於第十九條，附以尊孔之文，敷衍民賊，致遺今日無謂之紛爭。然既有紛爭矣，則必演為吾國極重大之問題。其故何哉？蓋孔教問題，不獨關係憲法，且為吾人實際生活及倫理思想之根本問題也。余嘗謂「自西洋文明輸入吾國，最初促吾人之覺悟者為學術，相形見絀，舉國所知矣。其次為政治，年來政象所證明，已有不克守缺抱殘之勢。繼今以往，國人所懷疑莫決者，當為倫理問題。此而不能覺悟，則前此之所謂覺悟者，非徹底之覺悟，蓋猶在惛恍迷離之境。」見本誌前卷六號「吾人最後之覺悟」篇中。蓋倫理問題不解決，則政治學術皆技葉問題。縱一時舍舊謀新，而根本思想未嘗變更，不旋踵而仍復舊觀者，此自然必然之事也。孔教之精華曰禮教，為吾國倫理政治之根本。其存廢為吾國早當解決之問題，應在國體憲法問題解決之先。今日討論及此，已覺甚晚。吾國人既已紛紛討論，予亦不得不附以贅言。

增進自然界之知識，為今日益世覺民之正軌。一切宗教無裨治化等諸偶像，吾人可大膽宣言者也。今讓一步言之，即云淺化之民，宗教在所不廢。然通行吾國各宗教，若佛教教律之精嚴，教理之高深，豈不可貴？又若基督教尊奉一神，宗教意識之明瞭，信徒制行之清潔，往往遠勝於推尊孔教之士大夫。今蔑視他宗，獨尊一孔，豈非侵害宗教信仰之自由乎？所謂宗教信仰自由者，任人信仰何教，自由選擇，皆得享受國家同等之待遇，而無所歧視。今有議員王謝家建議，以為倘廢祀孔，乃侵害人民信教之自由。其言實不可解。國家未嘗祀佛，未嘗祀耶，今亦不祀孔，平等待遇。正所以尊重信教自由。何云侵害。蓋王君目無佛耶，只知有孔。未嘗夢見信教自由之為何物也。今再讓一步言之，或云佛

耶二教非吾人固有之精神。孔教乃中華之國粹。然舊教九流。儒居其一耳。陰陽家明歷象。法家非人治。名家辨名實。墨家有兼愛節葬。非命諸說。制器敢戰之風。農家之並耕食力。此皆國粹之優於儒家孔子者也。今效漢武之術。罷黜百家。獨尊孔氏。則學術思想之專制。其湮塞人智。爲禍之烈。遠在政界帝王之上。今再讓一步言之。或謂儒教包舉百家。獨尊其說。乃足以化民善俗。夫非人是己。宗風所同。使孔教會僅以私人團體立教於社會。國家固應予以與各教同等之自由。使僅以「孔學會」號召於國中。尤吾人所贊許。西人於前代大哲。率有學會以祀之。今乃專橫跋扈。竟欲以四萬萬人各教信徒共有之國家。獨尊祀孔氏。竟欲以四萬萬人各教信徒共有之憲法。獨規定以孔子之道爲修身大本。嗚乎。以國家之力。強迫信教。歐洲宗教戰爭。殷鑒不遠。即謂吾民酷愛和平。不至激成戰鬥。而實際生活。必發生種種撞擾不甯之現象。例如假令國教。則總統選舉法。及官吏任用法。必增加異教徒不獲當選一條。否則異教徒之爲總統官吏者。不祀孔則違法。祀孔則叛教。無一是處。又如學校生徒之信奉佛道。耶回各教者。不祀孔則違背校規。祀孔則毀壞其信仰。亦無一是處。去化民善俗之效也遠矣。以何者爲教育大本。萬國憲法。無此武斷專橫之規定。而孔子之道。適宜於民國教育精神與否。猶屬第二問題。蓋憲法者。全國人民權利之保證書也。決不可雜以優待一族一教一黨一派人之作用。以今世學術思想之發達。無論集碩學若干輩。設會討論教育大本。究應以何人學說爲宗。吾知其未敢輕決而著書宣告於衆。况挾堂堂國憲。強全國之從同。以阻思想信仰之自由。其無理取鬧。寧非奇談。

凡茲理由。俱至明淺。稍有識者皆知之。此時賢之尊孔者。所以不以孔教爲宗教者有之。以爲宗教而不主張假憲法以強人信從者有之。此派之尊孔者。雖無強人同己之惡習。其根本見解。予亦不敢盲從。故

今所討論者，非孔教是否宗教問題，且非但孔教可否定入憲法問題，乃孔教是否適宜於民國教育精神之根本問題也。此根本問題，貫徹於吾國之倫理政治社會制度日常生活者，至深且廣，不得不急圖解決者也。欲解決此問題，宜單刀直入，因薄問題之中心，其中心謂何？即民國教育精神果為何物？孔子之道，又果為何物？二者是否可以相容是也。西洋所謂法治國者，其最大精神，乃為法律之前人人平等，絕無尊卑貴賤之殊。雖君主國亦以此為主憲之正軌，民主共和益無論矣。然則共和國民之教育，其應發揮人權平等之精神，毫無疑義。復次欲知孔子之道果為何物，此主張尊孔與廢孔者，皆應有明瞭之概念，非可籠統其詞以為褒貶也。今之尊孔者，率分甲乙二派。甲派以三綱五常為名教之大防，中外古今莫可踰越。西洋物質文明固可尊貴，獨至孔門禮教固彼所未逮。此中國特有之文明，不可妄議廢棄者也。乙派則以為三綱五常之說出於緯書，宋儒盛倡之，遂釀成君權萬能之末弊。原始孔教，不如是也。持此說之最有條理者，莫如顧實君。謂宋以後之孔教，為君權化之偽孔教，原始孔教，為民間化之真孔教。三綱五常屬於偽孔教範疇，取司馬遷之說，以四教文行忠信四絕母意母必三愼齊戰為原始之真孔教範疇。以上皆顧實君之說。詳見第二號民彝雜誌「社會教育及共和國魂之孔教論」。愚則實是甲而非乙也。三綱五常之名詞，雖不見於經，而其學說之實質，非起自兩漢唐宋以後，則不可爭之事實也。教忠忠有二義。一對一切人。一對於君。與孝吳稚暉先生謂與孝并言者，必為對君之忠可知。教孝孝為古人用愛最舉之一名詞。非如南宋以後人之腦子。合忠孝為一談。一若言孝，而有家庭服從之組織。隱隱寓之於中。又云孝之名，即不存。以博愛代之。父與父言博愛慈矣。子與子言博愛孝矣。以上見十月九日中華新報說孝。倘認人類兼有相愛性。何獨無情於骨肉。吳先生以愛代孝之說尚矣。惟儒教之言孝，與墨教之言愛，有親疏等差之不同。此儒墨之鴻溝。孟氏所以斥墨為無父也。與先生之言，必為墨家所歡迎。而為孔孟所不許。父母死三年，尚無改其道。何論生存時家庭服從之組織。儒教莫要於禮。禮莫重於祭。祭則推本於孝。祭統云：凡治人之道，莫急於禮。禮有五經，莫重於祭。又云：祭者，所以追養繼孝也。儒以孝為人類治化之大原。何只與忠并列。祭統云：忠臣以事其君，孝子以事其親。其本一也。孝經云：資於事父以事君而敬同。又云：孝

莫大於嚴父。又云。父母之道。天性也。君臣之義也。又云。要君者無上。非聖人者無法。非孝者無親。此大亂之道也。審是忠孝并爲一談。非始於南宋。乃孔門立教之大則也。吳先生所云。母乃猶避腐儒非古侮聖之讓也歟。教從曰。婦人從人者也。幼從父兄。夫死從子。非皆片面之義務。不平等之道德。階級尊卑之制度。三綱之實質也耶。『不仕無義。長幼之節。不可廢也。君臣之義。如之何其廢之。』『撻之流血。起敬起孝。』『婦人者。伏於人者也。』『夫不在。歛枕篋。簞席。櫛器而藏之。』此豈宋以後人尊君尊父尊男尊夫之語耶。緯書古史也。可以翼經。豈宋後

之著作。董仲舒。馬融。班固。皆兩漢大儒。董造春秋繁露。馬注論語。班輯白虎通。皆採用三綱之說。朱子不過沿用舊義。豈可獨罪宋儒。愚以爲三綱說不徒非宋儒所偽造。且應爲孔教之根本教義。何以言之。儒教之精華曰禮。禮者何。坊記曰。『夫禮者。所以章疑別微。以爲民坊者也。故貴賤有等。衣服有別。』又曰。『天無二日。土無二王。家無二主。尊無二上。示民有君臣之別也。』哀公問曰。『民之所由生。禮爲大。非禮無以節事天地之神也。非禮無以辨君臣上下長幼之位也。』曲禮曰。『夫禮者。所以定親疏。決嫌疑。別同異。明是非也。』又曰。『君臣上下。父子兄弟。非禮不定。』禮運曰。『禮者。君之大柄也。』禮器曰。『禮之近人情者。非其至者也。』冠義曰。『責成人禮焉者。將責爲人子。爲人弟。爲人臣。爲人少者之禮行焉。』是皆禮之精義。能殫其學。當年不能究其禮。此猶屬儀文之末。尊卑貴賤之所由。分卽三綱之說之所由起也。三綱之義。乃起於禮別尊卑。始於夫婦。終於君臣。共貫同條。不可偏廢者也。今人欲偏廢君臣。根本已摧。其餘二綱。焉能存在。而劉陽李女士。主張夫妻平等。以爲無傷於君父二綱。(見本年第五號婦女雜誌社說)是皆不明三綱一貫之根本精神之出。此等別尊卑明貴賤之階級制度。乃宗法社會封建時代所同然。正不必以此爲儒家之罪。更不必諱爲原始孔教之所無。愚且以爲儒教經漢宋兩代之進化。明定綱常之條目。始成一有完全統系之倫理學說。斯乃孔教之特色。中國獨有之文明也。若夫溫良恭儉讓信義廉恥諸德。乃爲世界實踐道

德家所同遵。未可自矜特異，獨標一宗者也。使今猶在閉關時代，而無西洋獨立平等之人權說以相較，必無人能議孔教之非。即今或謂吾華賤族，與哲人殊化，未可強效西聲，愚亦心以為非，而口不能辨。惟明明以共和國民自居，以輸入西洋文明自勵者，亦於與共和政體、西洋文明絕對相反之別尊卑明貴賤之孔教，不欲吐棄，此愚之所大惑也。以議員而尊孔子之道，則其所處之地位，殊欠斟酌。蓋律以庶人不議，則代議政體、民選議院，豈孔教之所許。禮運所謂天下為公，選賢與能，乃指唐虞之世。君主私相禪授而言。畧類袁氏金匱石室制度。與今世人民之有選舉權，絕不同也。以憲法而有尊孔條文，則其餘條文無不可廢。蓋今之憲法，無非採用歐制，而歐洲法制之精神，無不以平等人權為基礎。吾見民國憲法草案百餘條，其不與孔子之道相抵觸者，蓋幾希矣。其將何以並存之？吾人倘以為中國之法，孔子之道，足以組織吾之國家，支配吾之社會，使適於今日競爭世界之生存，則不徒共和憲法為可廢，凡十餘年來之變法維新、流血革命、設國會、改法律，民國以前所行之大清律。無一條非孔子之道。及一切新政治、新教育，無一非多事，且無一非謬誤。應悉廢罷，仍守舊法，以免濫費吾人之財力。萬一不安本分，妄欲建設西洋式之新國家、組織西洋式之新社會，以求適今世之生存，則根本問題不可不首先輸入西洋式社會國家之基礎，所謂平等人權之新信仰。對於此新社會、新國家、新信仰，不可相容之孔教，不可不有徹底之覺悟，猛勇之決心。否則不塞不流，不止不行。



師範中學 女子用書



女子算術教科書 卷上 五角

女子生理教科書 全 四角五分

女子算術教科書 卷中 四角五分

女子礦物教科書 全 二角

女子算術教科書 卷下 四角

女子動物教科書 全 印刷中

女子代數教科書 全 四角五分

女子植物教科書 全 印刷中

女子幾何教科書 全 四角五分

女子家事教科書 全 五角五分

女子化學教科書 全 三角五分

女子簿記教科書 全 印刷中

女子物理教科書 全 五角

女子縫紉教科書 全 印刷中

男女之職事不同其應用科學亦生差異本社輯譯女子教科全編其內容切近女子事情為主體裁雖簡約而重要處絕不忽略其程度於中學相宜數皆一甚學師範皆附相宜數皆一甚



上海 羣益書社 印行



軍國主義

劉叔雅

太空中有無數星雲。某星雲偶起旋渦。內自凝結。外相攝引。以成此太陽系。某處物質較密。內自凝結。外相攝引。以成此圓輿。此圓輿凝而未固。動搖震盪。以成此海陸山川。提封萬里之國。比之圓輿。數十分之一也。圓輿比之太陽系。千萬分之一也。太陽系比之恆河沙數世界。更太倉之稊米也。今於其間強分疆域。命曰國家。吾人生此國中。又強欲葆此疆域爲己有。而持軍國主義。直莊子所謂蠻氏觸氏之爭也。然則以何因緣。而道軍國主義。曰以求生意志故。(Wille zum leben)蓋衆生由求生意志而生。互爭其所需之空間。時間。物質。而競存爭生之事。遂起。人類在衆生爲最進化。其爭亦最烈。個人爭之不勝。乃合羣以爭之。此既合羣。不得不與他羣爭。進化既久。遂成國家。邦國交闕。殺人盈野。實起於匹夫之彎弓。匹夫之彎弓。又起自爪牙之相搏。求生意志。乃世界之本原。競存爭生。實進化之中心。國家者。求生意志所構成。軍國主義者。競存爭生之極致也。往者世界列國。限於山海。接觸甚鮮。各有其土。各保其民。自非土壤相接。競爭猶不甚烈。近世交通之利。十百倍於古代。列國之接觸愈多。經濟愈膨脹。競爭亦愈劇烈。而軍國主義。遂應此時世而興起。國於今之世界。苟欲守此疆域。保我子孫。黎民舍軍國主義。無他道。生於今之世。苟欲免爲他人之臣虜。舍持軍國主義。無他法。今日之天下。軍國主義之天下也。嗚乎。彼蠻氏既日以其巨礮。飛機。潛艇。毒彈。相陵。鏖將滅吾國。而夷吾種。則吾舍自居。觸氏與彼奮鬥力爭之外。復何策。可以自全。此記者所以大聲疾呼。乞吾青年之覺悟也。

中華民國者。世界列邦中最不尙軍國主義之國也。稽之史冊。吾先民武功彪炳。征伐四克之日。雖亦恆有。然被征服於異族之事。則更史不絕書。近世西力東漸。吾國對外歷史。遂無一頁而非屈辱。無一字而非失敗。有清之世。猶爲戰敗之國民。民國既建。乃更一落萬丈。文化爲不戰而屈伏之民族。試觀今日之域中。秉鈞當國者。不解軍國主義。故盡智索能於調和敷衍。研精覃思以排擠異己。處心積慮以恢曠其逆乎世界潮流之勢力。寧甘分崩離析。種類爲夷之禍。而餘凶剩孽。不可不肆其饕餮。惡直醜正。不可不逞其姦回。軍人不解軍國主義。故諸藩鎮州將。不惟不肯爲國家之干城心膂。甚且阻恃其衆。跋扈恣睢。日銷磨其精神於集會聯盟。干涉政治。殘賊生民。侵盜公帑。扶植勢力。保全權位。諸事外人哀的美敦書來。則俯首帖耳。不敢出氣。而並不覺有絲毫羞恥。政黨不解軍國主義。故但知馳騫追逐。營巧競利。甚且爲大盜權奸。供奔走執賤役。而於國家大計。鮮有建樹。致爲國民所疾視。不復認爲近世列邦之所謂政黨。而與甘陵汝南東林復社同科。商人不解軍國主義。故但知鬻良維苦。飲羊欺詐。以博不正當之利得。而不求所以與人並驅爭先之道。工人不解軍國主義。故至今猶不脫鎖國時代之遺風。縱有一二高瞻遠矚之徒。亦唯知購人機械。模仿學製最簡單之物品。而於立國根本之化學工業。曾無人敢於一試。卒致國人於日光空氣。及農產物外。無不仰給於人。文人不解軍國主義。故但著塵羹土飯之文字。誨盜誨淫之小說。以謀些微之稿費。而糊其口。甚且修勸進之表。或爲權奸大盜辦機關報。擬忍心害理之電稿。以弋祿秩。其能盡發蒙振聵。勸國民之天職者。萬無一焉。學子不解軍國主義。故遊惰廢學。耽於淫樂。或則以校中課程爲敲門磚。卒業證書爲獲官符。無論所習何科。所治何學。而殊途同歸。皆以作官爲最終。

目的。不特治法律政治經濟者。不肯終爲法學家政治學者。卽學文學美術醫工者亦必展轉請托。求入教育內務農商部以充課員技正。卒之一行作吏。素衣化繡。進無裨於國計。退無績於簡編。橫舍化爲科場。科學等於入股。而國家強盛之機亦絕。凡此諸端。在吾國人我行我素。絕不見其可異。而在力行軍國主義之民族觀之。吾知其驚愕之情。必有如逢奇魅。如見怪獸者。醜者不自知其醜。引鏡自鑑。則必恚怒。慚恨。撲鏡於地。德意志者。軍國主義之產地。而吾國之鏡也。記者不敏。敢述其大略。願吾青年鑑焉。

德意志帝國。天下莫強焉。今日言強國者。殆無不聯想及於德意志者也。開戰以來。一戰而滅比利時。再戰而破法蘭西。三戰而蹶露西亞。處四戰之地。抗天下之師。而能戰勝攻取。亟摧敵國。自漢堡以至特理埃斯特。由阿斯丁德迄於巴格達德。占領數千萬里之地。奴虜三千萬之民。奧大利土耳其布加利亞之帝王皆執鞭提鼓以從。凱撒之戲下。英法俄意諸強國。喪師失地。覆敗相尋。悉率其賦。僅能自守其豐功偉烈。真書契以來所未有也。然而德意志國家也。我中華民國亦國家也。日耳曼人丈夫也。吾漢人亦丈夫也。同此霜露所均。同此日月所照。其土地寒荒。磽确。遠不若吾土之盡膏腴。其壤地甚小。又遠不如吾封域之廣。何以彼能興隆大好。冠冕萬邦。而吾則衰微不振。有亡國滅種之懼乎。此無他。德意志人倡軍國主義。而我則自侮自伐也。夫使造物之加惠德人爲獨厚。天雨金而地湧巨礫。則其席捲全歐之烈。曾何足稱。其世界政策(Welt politik)之雄。豈容學步。然試一稽史乘。一世紀以前。其貧弱衰微。殆有甚於今日之中國。入其國者。但見寒村而無都會。接其人則但有哲學家與農夫。而鮮工商業者。拿破崙之雄師。勁卒馳騁於其國中。逐之極北之地。路易茲后北面長跪。以乞哀於拿破崙前。而終不能邀戰勝者之

垂憐。飲泣吞聲。以爲諦爾西特城下之盟。喪其版圖人口之半。償金一萬三千萬佛郎。限制常備軍。數不得逾四萬二千人。遵奉其無理之條例。其恥辱痛苦損失。十倍甲午庚子之和約。苟非俄帝爲之乞請。則拿破崙固早滅其國爲法蘭西之郡縣矣。此若在吾國。則苟安懷佚。禽視鳥息。以爲戰勝者之臣虜而已。縱有三三激昂慷慨之士。亦唯發無數極長之通電。或演出儲金救國等滑稽劇耳。乃德意志經此鉅創。深痛之後。君臣上下。臥薪嘗膽。必欲以十年生聚。十年教訓。沼法蘭西而洒斯恥。路易茲后製鈴。章文曰「不禁涕零」以誌不忘。深知強國之基。在乎教育。於彼播越顛沛之中。創立柏林大學。愛國哲學家斐希特氏爲之校長。一意作育人材。以植興復之基。故哲人輩出。民族精神發揚振起。諦爾西特城下之盟。締於千八百七年。及千八百十三年。普將布留赫爾將軍已董統鷹揚。霆擊電掃。破滅拿破崙之軍隊。恢復侵地。以奏歐羅巴獨立之偉勳。其間相距才七年耳。其後躡奧大利。破法蘭西。遂舉德意志帝國復興之祝典於法蘭西之王宮。爲圓輿第一強國矣。其統一復興所以若是之神速者。無他。軍國主義而已。開戰以前之德意志。其學術之精微深遠。其工藝之振興發達。其商業之突飛猛進。夫人而知者也。開戰以後之德意志。其軍隊之強器械之巧。又世人所讚歎不置者也。凡此諸端。苟欲詳述之。將成巨帙。然若考其原因。則片言可蔽之。曰軍國主義之賜而已。德意志之軍人。政治家。學者。工商業家。文人。藝術家。品類雖至不齊。然而百致一慮。殊塗同歸。莫不以軍國主義爲旗幟。實力政治。世界政策爲標榜。篤信德意志。負有統一世界之天職。明認世界被德意志人征服爲幸福。凱撒維廉二世之雄心。全國軍人之主戰。實其民族精神之表現。決非一人或一階級社會之好大喜功也。試卽其各方面之代表人物之言論觀

之。柏林大學史學教授特萊諦開氏之言曰。無論個人國家。其最強者即其實力最充足者也。實力者。統御一切社會者也。凡一切政治罪惡中。其最可鄙賤者。未有如「弱者」之甚者也。「弱者」之一觀念。其害足以陷國家於腐敗。墮國家之聲威。斯實對於上帝之罪惡也。前宰相彪羅公爵宣言曰。戰爭者固不祥物也。國家之當盡力防止戰爭。此何待言。然亦僅在無碍於國家之榮譽利益時爲然耳。倘竟有關國家之榮譽利益。則戰爭亦實無可避免。所謂永久和平者。特理想而已。夢囈而已。主戰論之著者。彼龍哈的將軍之言曰。武力者無上之權利也。苟有權利之競爭。則戰爭而外。實無他途可以解決。故戰爭者。所以解決權利之最後勝負者也。開戰之初。德意志宰相貝特曼。何爾維希氏在其帝國議會宣言曰。德意志帝國今日之境況。事不得已。事不得已。則尙何法律之可言乎。我師既侵盧森堡。又占領比利時之境土。夫侵犯中立國之爲違反國際法。此何待論。然而吾國今日實非所願也。蓋我苟多一日之顧慮。多稽遲一日。則彼法蘭西兵。即將攻入我之境土矣。故我國對於盧森堡比利時政府之正當抗議。置之不省。進擊如故者。不得已也。世或能謂此爲不義之舉。即我輩亦不憚明認其爲不義。惟俟他日軍事上目的既達之後。當能有相當之辯解耳。此猶其軍人政治家與歷史學家之言也。更就其哲學家文學家之言論觀之。則彼高談仁義道德之鮑諍氏之言曰。德意志國民之爲詩人爲思想家。此國人所以之自豪者也。然不可不知吾德意志國民。又實勇而能鬥之國民也。耶那大學教授哲學名家倭根氏之言曰。吾德意志之強盛。英人嫉之久矣。故英人處心積慮。欲於吾羽毛未豐之際。加我以巨創。將來孰勝孰敗。實世界爭霸之大問題也。吾德意志苟蹉跎歲月。不制機先。則必爲英人所破滅無疑。故德意志國民爲自衛計。

爲權利及正義計。皆不可以不戰。完全維持人類之生存者。乃他國民所仰賴。吾德意志人之任務也。德意志國民以有知識之國民。雄飛至今。而盡其全力於科學之研究。宗教之信念。人格之養成者。也。德意志之如是努力者。即所以行此統御世界之任務也。大戲曲家豪普特曼氏之言曰。我國民世界主義之思想。根柢甚深。非僅在政治上爲然也。即在文藝哲學思想。亦莫不然。彼嫉視吾人之仇敵。欲以鐵環箍吾人之胸。吾人之胸不可不更擴張。則不能不寸斷此鐵環。否則吾人之呼吸將止矣。吾人不肯自止其呼吸者也。故寸斷此環。實吾人自衛之權利。

綜觀諸人之言論。可以覘德意志國民之心理矣。其軍國主義。決非發自凱撒一人之野心。決非由於其國軍人之續武。亦非其國政治家之好大喜功。實日耳曼之民族精神也。其皇室持軍國主義。故歷代帝王臥薪嘗膽。以濟統一復興之大業。其政治家持軍國主義。故忠貞體國。以修政理。其軍人持軍國主義。故將帥研精覃思。以治戎畫策。士卒則奮勇死綏。咫尺無却。其學者持軍國主義。故堅苦力學。勇猛精進。以其所得貢獻於國家社會。其工商業者持軍國主義。故盡智極能。以殖產興業。其思想家文人持軍國主義。故搗藻振翰。以發揚民族之精神。啓迪國民之思想。軍國主義者。德意志強盛之總因也。稽之其國歷史。其國步愈益艱難。則其民之孟晉自疆之心。愈益熾盛。故雖以三十年戰爭之禍。分崩離析。民墜塗炭。百有餘載。而民族之雄心不衰。諦爾西特議和時。國之不亡。間不容髮。而不及十年。遂能復仇。洒恥光復舊物。今茲之戰。徵論德軍尙居優勢。即果如協約諸國所期。直抵柏林。迫之爲城下之盟。然軍隊戰艦。從可覆敗。民族精神。必難消滅。他日十年生聚。十年教訓。必有捲土重來之日。無可疑也。

軍國主義非僅爲德意志人之信條已也。近三十年以還。此主義實瀰漫於圓輿。有國於今之世界者。爲國家之生存發展。有不得不宗此主義之勢。歐洲戰爭既開。其事乃益顯著。其事之與此主義相儔者。但有我中華民國耳。英吉利者。非世所稱爲政黨政治之典型者耶。今自由黨內閣乃不得不與保守黨相提攜。以組織混合內閣矣。募兵主義。非其歷世相傳之成法耶。今乃不得不可行徵兵制矣。自由貿易。非其國是耶。今乃不得不講保護政策矣。法蘭西非篤信博愛主義。而反對軍國主義者耶。怵於德人之鷹瞵虎視。乃不得不大修軍備。奮起直追。以謀自保矣。至於北美合衆國。則更以平和主義爲標榜。門羅主義爲國是者也。近以日本之劍及履及。咄咄逼人。乃不得不投億萬金資以擴充其海軍。其深識遠慮之士。更鼓吹全國皆兵主義。施行軍事教育。以謀興強大陸軍矣。至若比利時。則本以工商立國之小邦。又有永久中立之保障。宜若可以不置一兵。不築一壘矣。乃既擁十二萬五千之常備陸軍。復有里愛巨。納米爾。安都厄爾。比三大要塞。其國人猶以爲未足。更於開戰之前二年。通過軍備擴充案。期以五年之間。加增兵力二倍。改築最新式要塞。不幸設施未完。戰爭驟起。使比人能早三四歲從事於此。則陸軍可得五十萬人。舊式要塞。悉已改築。則德人從肆其侵暴。比之兵力。必能久守。以待英法之援師。比民所受荼毒。何至若斯之慘烈哉。世有迷信和平。昧於時勢者。妄冀其夢境幻想可以實現。謂他日歐戰終局。德意志人一敗塗地。軍國主義亦將隨之而滅。世界和平可以自茲永保。不知歐洲縱得一時之僞和平。何有於吾衰微不振之東洋民族。蓋東洋民族中。復有步武德意志力行軍國主義之國。日伺吾傍。縱督種能掃清軍國主義。力保和平。吾國則舍此何以救死。持斯說真聾昧之下科。其可悲憫。殆不異遊鼎之魚。巢幕

之燕也。

或曰軍國主義誠救國之良藥。然德意志之軍國主義。乃發於其民族之根性。吾諸華有篤愛和平之天性。與軍國主義不相容。民族性如斯。豈人力所能改造。不知好戰乃人類之本性。進取實立國之原則。吾諸華既爲人類。又葆有國土。歷數千年。其間捍拒異類。討滅敵國之事。無代無之。本能縱麻痺於一時。決非汨沒已盡。徒以受毒於腐敗政治過久。民族精神無由發揚。遂有今日之衰頹。苟蕩滌其瑕穢。洒掃其積垢。則發揚蹈厲。必能爲人類歷史增其榮光。日本非新興之強國耶。非以武功焜耀大地者耶。然其維新以前。承平日久。人民不見兵革。又以封建時代。軍旅之事。專之武門。齊民但知鋤耒。故美將普萊之戰。艦一入下田。而江戶之民。倉皇奔避。其怯弱卑劣爲何如。其後施行徵兵制。論者猶謂農商子弟服兵役。是驅市人而戰。然曾幾何時。柔弱之民。化爲慄悍。北蹶強俄。遂霸亞洲。往日對黑船而戰慄者。今乃向美人挑釁矣。可知天下無不能戰爭之民族。在高瞻深識者鼓舞提倡而已。但吾青年昆弟。能自覺己身之責任。擴觀世界之潮流。深知軍國主義爲立國根本。救亡之至計。振作精神。則吾諸華未必不能化爲世界最強毅之民族。中夏猶可興也。或謂中國今日已患武人之恣睢。更倡軍國主義。必至政出武人。生民之自由幸福危。而共和政體亦將不保。此尤不通之論也。今日之佩文虎章帶劍而御黃色衣者。豈得謂之軍人。此輩之乘資逞暴。與他國之軍人專政。全然兩事。今彼鹽梟馬賊。巡防統領。招集數千無賴。購數千廢槍。即敢於恣心任忒。無所忌憚者。正欺吾民皆怯弱卑劣。懸懸於僞和平耳。使吾國民能力行軍國主義。堅貞剛毅如德意志之民。則四裔猶不敢不享。何此曹之足云。

碎簪記

蘇曼殊

余至西湖之第五日，晨餐甫罷，徘徊於南樓之上。鐘聲悠悠而逝，遙望西湖風物如恆。但與我遊者乃不同耳。計余前後來此凡十三次，獨遊者九次，共曇諦法師一次，共法忍禪師一次，共鄧繩侯獨秀山民一次，今即同莊滉也。此日天氣陰晦，欲雨不雨，故無遊人。僅有二三采菱之舟，出沒湖中。余忽見楊縷毵毵之下，碧水紅蓮之間，有扁舟徐徐而至。更視舟中，乃一淡裝女郎。心謂此女遊興不淺，何以獨無伴侶。移時舟停於石步。此女風致果如仙人也。至旅邸之門，以吾名氏叩閤者。閤者肅之登樓。余正駭異，女已至吾前。盈盈爲禮，然後赧然言曰：先生幸恕唐突。聞先生偕莊君同來，然歟。余漫應曰：然。女曰：妾爲莊君舊友，特來奉訪。敬問先生莊君今在否。余曰：晨朝策馬自去，或至靈隱天竺間。日暮歸來，亦未可定。君有何事，吾可代達也。爾時女若有所思，已而復啓余曰：妾姓杜，名靈芳，住湖邊旅舍第六號室。敬乞傳語莊君，明日上午惠過一談。但有瀆清神，良用歉仄耳。余曰：敬聞命矣。女復含赧謝余，打槳而去。余此際神經頗爲此女所擾。此何故哉。一者吾友莊滉，恭慎篤學，向未聞與女子交遊。此女胡爲乎來。二者吾與此女無一面之雅，何由知吾名姓。又知莊滉同來。三者此女正當綺齡，而私約莊滉於逆旅，此何等事。若謂平康挾瑟者流，則其人儀態萬方非也。若謂莊滉世交，何以獨來訪問，不畏多言耶。余靜坐沈思，久乃聳然曰：天下女子，皆禍水也。余立意既定，抵莫，莊滉歸，吾暫不提此事。明日余以電話詢湖邊旅舍曰：六號室客共幾人。曰：母女并婢三人。曰：從何處來。曰：上海。曰：有幾日住。曰：飯後乘快車去。余思此時即使莊滉趨約。

亦不能及。又思此亦細事，吾不語莊湜，亦未爲無信於良友也。又明日爲十八日，友人要余赴江頭觀潮，并觀三牛所牽舟。莊湜倦不果行。迄余還，已燈火矣。余不見莊湜，問之闍者，闍者云：其於六句鐘得一信。時具晚膳，獨坐不食，須臾外出，似有事也。余即往覓之。沿堤行至斷橋，方見莊湜臨風獨盼。余曰：露重風多，何爲不歸？莊湜不余答，但握余手，順步從余而返。至旅邸，余罷甚，即就寢，仍未與言女子過訪之事也。余至夜半忽醒，時明月侵簾，余披衣即簾下窺之。湖光山色，一一在目。此景不可多得。余欲起，莊湜同觀，正衣步至其榻，榻空如也。余即出樓頭覓之。時萬籟俱寂，瞥眼見莊湜枯立欄前。余自後憑其肩，藉月光看其面，有無數溼痕。余問之曰：子何思之深耶？莊湜仍不余答，但悄然以巾掩淚。余心至煩亂，不知所以慰之。惟有強之就榻安眠。實則莊湜果能安眠否，余不知之。以余此夜亦似睡而非睡也。翌朝，余見莊湜面灰白，雙目微紅，食不下咽。其心似曰：吾幽憂正未有艾，吾殆無機復吾常態，與畏友論湖山風月矣。飯罷，余莊容語之曰：子自昨日，神色大變，或有隱恫在心，有觸而發，未嘗與我一言，何也？試思吾與子交厚，昨夜觀子情況，使吾與子易地而處，子情何以堪？此時余反覆與言，終不一答。余不欲擾其心緒，遂與放舟同遊。冀有以舒其憂鬱。而莊湜始終不稍吐其心事。余思莊湜天性至厚，此事不欲與我言者，必有難言之隱。昨日闍者所云得一信，寧非女郎手筆？吾不欲與莊湜提女子事者，因吾知莊湜用情真摯，而年貌尚輕，恐一失足，萬事瓦解。吾非謂人間不得言愛也。今茲據此情景，則莊湜定與淡裝女郎，有莫大關係。吾老於憂患矣，無端爲莊湜動我纏綿悱惻之感，何哉？余同莊湜既登孤山，見碧晴國人數輩，在放鶴亭遊覽。忽一碧晴女子高歌曰：Love is enough. Why should we ask for more? 女歌畢，即聞空谷作

回音亦曰：Love is enough. Why should we ask for more? 時一青年繼曰：O! you kid! Sorrow is the depth of Love. 空谷作抗音如前。遊人均大笑。余見莊湜亦笑。然而強笑不懽，益增吾悲耳。連日天晴湖靜，余出必強莊湜同行。余視莊湜愁潮稍退，漸歸平靜之境。然莊湜弱不勝衣，如在大病之後。余則如泛大海中，但望海不揚波，則吾友之心庶可收拾。一日莊湜忽問余曰：吾騎馬出遊之日，曾有老人覓我否？余卽曰：彼日覓子者非老人，乃一女郎。莊湜愕視余曰：女子耶？彼會有何語？余始將前事告之，并問曰：彼女子何人也？莊湜思少間，答曰：吾知之而未嘗見面者也。余曰：始吾不欲以兒女之情擾子遊興，故未言之。今茲反使我不能無問者，子何爲得書而神變耶？吾思書必爲彼女子所寄，然耶否耶？莊湜急曰：否。乃叔父致我者。余又問曰：然則書中所言與女子過訪不相涉耶？莊湜曰：彼女過訪實出吾意料之外。君言之，我始知之。余又問曰：如彼日子未外出，亦願見彼女子否？莊湜曰：不願見之。余又問曰：子何由問我有無老人來過？彼老人何人也？莊湜曰：恐吾叔父來遊，不相值耳。亡何秋老冬初，莊湜束裝歸去。余以腸病復發，淹留湖上，或觀書，或垂釣，或吸呂宋烟，用已吾疾實則腸疾固難已也。他日更來一女子，問莊湜在否？余曰：早已歸去。余且答且細瞻之，則容光靡豔，丰韻娟逸，正盈盈十五之年也。女聞莊湜已歸，卽惘惘乘軒去。余沈吟歎曰：前後訪莊湜者，兩人均麗絕人寰者也。今姑不問二人與莊湜何等緣分，然二人均以不遇莊湜憂形於色，則莊湜必爲兩者之意中人無疑矣。但不知莊湜心在阿誰邊耳。又思莊湜曾言不願見前之女子，今日使莊湜在者，願見之乎？抑不願見之乎？吾今無從而窺莊湜也。夫天下最難解決之事，唯情耳。莊湜宵深掩淚時，余心知此子必爲情所累，特其情史未之前聞，余又深信莊湜心無

二色。昔人有言一絲既定萬死不更。莊湜有焉。今探問莊湜者，竟有二美。則莊湜之不幸，可知而知哀哉。恐吾良友不復永年，故余更曰：天下女子皆禍水也。半月余亦歸滬，行裝甫卸，即訪莊湜，其嬾云：湜日來忽發熱症，現住法國醫院，余馳院看之。莊湜見余，執余手，不言亦不笑。余問之曰：子病略癒否？莊湜但點首而已。余撫其額，熱度亦不高。余此時更不能以第二女訪問之事告之。故余亦無言，默坐室內，可半句鐘。見莊湜閉睫而臥，適醫者入，余低聲以病狀問醫者。醫者謂其病症甚輕，惟神經受傷頗重，并屬余不必與談往事。醫者既行，余出表視之，已八句鐘又十分矣。余視莊湜仍貼然而睡，起立欲歸，方啓扉，莊湜忽張目向余曰：且勿遽行，正欲與君作長談也。余曰：子宜靜臥，吾明晨再至。莊湜曰：吾事須今夕告君。君請坐，吾得對君吐吾衷曲，較藥石爲有效驗。吾見君時，心緒已甯，更有一事，吾今日適接杜靈芳之簡，約於九句鐘來院。吾向醫者言明，醫者已許吾談至十句鐘爲止。此子君曾於湖上見之，於吾爲第一見。故吾求君陪我，或吾辭有不達意者，君須助我。君爲吾至親愛之友，此子亦爲吾至親愛之友。願此子向未謀面，今夕相逢，得君一證吾心迹，一證彼爲德容俱備之人，異日或能爲我求於叔父，於事滋佳。莊湜且言且振作其精神，不似帶病之人。余心始釋。然余思今夕處此境地，實生平所未經。蓋男女慕戀，憔悴哀痛而外無可言，吾何能於其間置一詞哉。繼念莊湜今以一片真誠求我，我何忍却之。余復默坐，少間女郎已至，駐足室外。莊湜略起肅之入。余鞠躬與之爲禮。莊湜肅然言曰：吾心慕君，爲日非淺。今日始親芳範，幸何如也。此際女郎雙頰爲酡，羞赧不知所對。莊湜復曰：在座者，即吾至友曼殊君，性至仁愛，幸勿以禮防爲隔也。女始低聲應曰：知之。莊湜曰：吾無時不神馳左右，無如事多乖忤，前此累次不願見君者，實

不得已。未審令兄亦嘗有書傳達此意否。女復應曰：知之。莊湜曰：余遊西湖之日，接叔父書，謂聞人言君受聘於林姓，親迎有日，然歟。女容色慘沮，而顛聲答曰：非也。莊湜繼曰：如此事果確者，君將何以語未畢。女截斷言曰：碧海青天，矢死不易，吾初心也。莊湜心爲摧折，不復言者久之。女忽問曰：妾中秋侍家母之錢塘觀潮，令叔已知之耶。莊湜曰：或知之也。女曰：妾湖上訪君未遇，令叔亦知之耶。莊湜曰：唯吾與曼殊君知之耳。女曰：令叔今去通州，何日歸耶。莊湜曰：不知。女郎至此欲問而止者，再已而囁嚅問曰：君與蓮佩女士曾見面否。與妾同鄉同塾，其人柔淑堪嘉也。莊湜曰：吾居青島時，曾三次見之，均吾嬖紹介。女曰：君偕曼殊君遊湖所在，是被告我者。彼今亦在武林，未與湖上相遇耶。莊湜曰：且未聞之。此際余始得向莊湜插一言曰：子行後，果有女子來訪，女驚向余曰：請問先生得毋密髮虛鬟亭亭玉立者歟。余曰：是矣。莊湜聞言，淚盈其睫。女郎蹶然就榻，執莊湜之手，泣然曰：君知妾亦知君言次，自拔玉簪授莊湜曰：夫不從人願者，碎之可爾。余心良不忍聽此女作不祥之語。余視表，此時剛十句鐘矣。余乃勸女郎早歸，神莊湜安歇。女郎默與余握手，遂淒然而別。嗟乎！此吾友莊湜與靈芳會晤之始，亦卽會晤之終也。余既別莊湜靈芳二人而歸，輾轉思維，終不得二子真相。莊湜接其叔書，謂靈芳將結縭他姓，則心神驟變，吾親證之。是莊湜愛靈芳真也。余復思靈芳與莊湜晉接時，雖寥寥數語，然吾窺伺此女有無限情波，實在此寥寥數語之外。余又忽憶彼與余握別之際，其手心熱度頗高，此證靈芳之愛莊湜亦真也。據二子答問之言推之，事或爲其叔中梗耳。莊湜云與蓮佩凡三遇，均其嬖氏引見，則蓮佩必爲其叔嬖所當意之人。靈芳問我密髮虛鬟亭亭玉立，此八字者，舍湖上第二次探問莊湜之女郎而外，吾固不能遽作答辭。

也。然則所謂蓮佩女士者，余亦省識春風之面矣。第未審莊湜亦愛蓮佩如愛靈芳否。蓮佩亦愛莊湜如靈芳否。既而余愈思愈見無謂，須知此乃莊湜之情關玉扇，並非屬我之事也。又奚可以我之理想，漫測他人情態哉。余乃解衣而睡，遂入夢境。顧夢境之事，似與真境無有差別。但以我私心而論，夢境之味，實長於真境滋多。今茲請言吾夢。夢借莊湜靈芳蓮佩三子，從錦帶橋泛棹裏湖。見四圍荷葉已殘破不堪，猶自戰風不已。時或瀉其淚珠，一似哀訴造物。余憐而顧之，有一葉搖其首而對余曰：吾非乞憐於爾，爾何不思之甚也。將至西冷橋下，靈芳指水邊語蓮佩曰：此數片小花，作金魚紅色者，亦楚楚可人。先吾親見之而開，今吾復親見之而謝，此何花也。蓮佩曰：吾未識之，非蘋花耶。莊湜轉以問余。余曰：此與蘋同種而異類，俗名鬼燈籠，可爲藥料者也。言時已過西冷橋。靈芳蓮佩忽同聲歌曰：同携女伴踏青去，不上道傍蘇小墳。俄而歌聲已杳，余獨臥胡床之上。窗外晨曦在樹，曉風新夢，令人惘然。余飯後復至醫院，以紫白相間之花十二當，贈莊湜。莊湜靜臥榻上。昨夕之事，余不欲重提隻字，乃絮論湖上之遊。明知此於莊湜爲不入耳之言，然余不得不如是也。余見昨夕女所遺簪，猶在枕畔。因謂莊湜曰：此物子好自藏之。莊湜開眸微視，則搖其首。余爲出其中，裹之置枕下。已而莊湜向余曰：吾媵晨朝來言，吾叔將歸，與吾同居別業。余曰：令叔年幾何。莊湜曰：六十一。繼曰：吾叔屢次阻吾與靈芳相見，吾至今仍不審其所以然。吾心愛靈芳，正如愛吾叔也。余順問曰：靈芳之兄，何人也。莊湜曰：吾同學而肝膽照人者也。余曰：彼今何在。曰：瑞士。余曰：有書至否。曰：有書皆爲我與靈芳之事者。余曰：云何。曰：勸我邀求阿媵，早訂婚約。但吾媵之意，則在蓮佩。余曰：蓮佩何如人耶。曰：彼爲吾媵外甥，幼工刺繡，兼通經史，吾媵至愛之。余卽接曰：子亦愛

之如愛靈芳耶。莊滉微歎而答曰：吾亦愛之如吾嬖也。余曰：然則二美并愛之矣。莊滉復歎曰：君思弱水三千之義，當識吾心。余曰：今問子心所先屬者阿誰？曰：靈芳。余曰：子先觀面者爲蓮佩，而先屬意者乃靈芳，其故可得聞歟？曰：前者吾遊京師，正袁氏欲帝之日，某要人者，吾故人也。一日招我於其私宅，酒闌出文書一紙，囑余譯以法文。余受而讀之，乃通告列國文件，盛載各省勸進文中之警句，以證天下歸心袁氏。余以此類文句，譯成國外之語，均虛妄怪誕詔諛便辟之辭，非余之所能勝任也。於是敬謝不敏。某要人曰：子不譯之可。今但懇子聯名於此，願耶？余曰：我非外交官，又非元老，何貴署區區不肖之名，遂與某要人別。三日，有巡警提余至一處，余始知被羈押。時杜靈運爲某院秘書，聞吾爲奸人所陷，鼎力爲余解免。事後棄職，周遊大地。今羈瑞士，靈運弱冠失父，借靈芳遊學羅馬四年，兄妹俱有令名者也。當余新歸海上，偕靈運卜居湧泉路，肥馬輕裘與共。靈運將行，余與之同撮一小影，爲他日相逢之券。積日靈運微示其賢妹之情，拊余肩而問曰：亦有意乎？余感激幾於泣下。其時吾心許之，而未作答詞焉。吾思三日，乃將靈運之言，聞於叔嬖。叔嬖都不贊一辭。吾亦置之不問。一日靈運別余，蕭然自去。靈運情義，余無時不深念之。願雖未見其妹之面，而吾寸心注定，萬劫不能移也。余曰：子既愛之，而不願見之，是又何故？莊滉曰：始吾不敢有違叔父之命也。余曰：佳哉，爲人子姪，固當如是。今吾思令叔之所以不欲子與靈芳相見者，亦以子天真誠篤，一經女子眼光所攝，萬無獲免。此正令叔慈愛之心所至，非猜薄靈芳明矣。吾今復有一言進子，以常理度之，令叔嬖必爲子安排妥當。子雖初心不轉，而蓮佩必終屬子。子若能急反其所爲，收其嚮靈芳之心，移嚮蓮佩，則此情場易作歸宿，而靈芳亦必有諒子之一日。不然者，異日或有無窮

悲。慨。子。雖。入。山。悔。將。何。及。余。言。至。此。莊。滉。面。色。頓。白。身。顛。如。冒。寒。余。頗。悔。失。言。然。而。爲。莊。滉。計。舍。此。再。無。他。言。可。進。余。待。莊。滉。神。息。少。靖。乃。去。數。日。其。叔。蟠。果。挈。莊。滉。居。於。江。灣。之。別。業。余。往。訪。之。見。其。叔。手。東。萊。博。議。一。卷。坐。藤。椅。之。上。且。觀。且。搖。其。膝。莊。滉。引。余。至。其。前。曰。阿。叔。此。吾。友。曼。殊。君。同。吾。遊。武。林。者。也。其。叔。聞。言。乃。徐。徐。脫。其。玳。瑁。匡。大。眼。鏡。起。立。向。余。略。點。其。首。問。曰。自。上。海。來。乎。余。曰。然。又。曰。吾。聞。汝。足。迹。半。天。下。甚。善。甚。善。今。日。天。色。至。佳。汝。在。此。可。隨。意。遊。覽。余。曰。敬。謝。先。生。時。侍。婢。將。茶。食。陳。於。藤。几。之。上。莊。滉。引。余。坐。定。其。叔。勸。進。良。殷。以。手。取。山。楂。糕。糖。蓮。子。分。余。又。分。莊。滉。余。密。覘。其。爪。甲。頗。長。且。有。黑。物。藏。於。爪。內。余。心。謂。墨。也。彼。必。善。爪。書。茶。既。畢。莊。滉。導。余。觀。西。苑。余。且。行。且。語。莊。滉。曰。令。叔。和。藹。可。親。子。試。自。明。心。迹。於。事。或。有。濟。也。莊。滉。曰。吾。叔。恩。重。所。命。靡。不。承。順。獨。此。一。事。難。免。有。逆。其。情。意。之。日。故。吾。無。日。不。耿耿。於。懷。迹。吾。叔。心。情。亦。必。知。之。而。憐。我。特。以。此。屬。自。由。舉。動。吾。叔。故。謂。蠻。夷。之。風。不。可。學。也。爾。時。隆隆。有。車。聲。莊。滉。與。余。即。至。苑。門。車。門。既。啓。一。女。子。提。其。纖。履。下。地。余。靜。立。瞻。之。乃。臨。存。湖。上。之。第。二。女。郎。也。女。一。視。余。即。轉。目。而。視。莊。滉。含。嬌。含。笑。將。欲。有。言。余。知。莊。滉。中。心。已。戰。慄。但。此。時。外。貌。嬌。爲。鎮。定。女。果。有。言。曰。聞。玉。體。有。吝。今。已。平。善。耶。莊。滉。曰。謝。君。見。問。癒。矣。女。曰。吾。前。歸。自。青。島。即。往。武。林。探。君。不。料。君。已。返。滬。言。至。此。迴。其。清。盼。而。問。余。曰。曼。殊。先。生。歸。幾。日。矣。余。曰。歸。已。六。日。女。少。思。已。而。復。問。莊。滉。曰。湖。上。遇。靈。芳。姊。耶。莊。滉。曰。彼。時。適。外。出。故。未。遇。之。女。急。續。曰。然。則。至。今。亦。未。之。見。面。耶。此。語。似。夙。備。者。斯。時。莊。滉。實。難。致。答。乃。不。發。一。言。女。凝。視。莊。滉。而。目。中。之。意。似。曰。枕。畔。贈。簪。之。時。吾。一。一。知。之。矣。少。選。侍。婢。請。女。入。余。同。莊。滉。往。草。場。中。徘徊。流。盼。忽。而。莊。滉。顏。色。慘。白。凝。立。不。動。余。再。三。問。之。始。曰。余。思。及。蓮。佩。前。此。垂。愛。之。情。及。

阿嬌深恩。而吾今茲愛情所嚮，乃乖忤如是。中心如何可安。復悟君前日訓迪之言，吾心房碎矣。余見莊
澁憂深而言婉，因慰之曰：子勿戚戚弗寧。容日吾當代子陳情於令叔，或有轉機，亦未可料。實則余作此
語，毫無把握。然而溺於愛者，乃同小兒。其視吾此語，亦如小兒聞人話餅。莊澁又焉知余之所惴惴者耶。

(未完)

▲美國公民學

定價八角

是書為美國學校通用課本。首述公民之初步。次述公民與政府之關係。次述
公民於經濟上之職務。次述公民與社會之關係。次述公民與國際之關係。大
而政事。小至社交行動。行止。皆當各有儀則。以矩範之。不可稍相越。太倉唐
先生評謂綱舉目張。組織俱備。其精至之意。與我國大學禮節相出入。洵入道
之軌範。社會國家之通鑑。不僅於以見美利堅立國之精神。並足為我國今人
之模範。青年當作座右之銘。

▲美國民主政治大綱

三角五分

此書分上下二部。上部述地方自治。及邦自治之制度。下部述中央政府之
制度。且附述合衆國建國及革命史略。於凡構成各種制度之要素。組織政府各
部之程序。人民與約法之關係。皆能指點不繁。而大要畢備。閱覽一過。即可瞭
共和國所以成立之大本。了然於心。我國國體雖已變更。而未語共和。其
尚屬不少。此書最足借鏡。首飾事蹟。尤便誦讀。

◀ 思 心 活 調 ▶

助 長 記 憶

- (一) 每一篇以原文書於表而 譯文書於裏面 觀原文可以想及譯文 觀譯文可以想及原文 反覆愈多 記憶愈久
- (二) 每篇書一單字 其下則列舉與此單字有關係之整語 以示應用變化之例 因配一字 可連帶以配數字 且能知此數字之用法
- (三) 其材料乃採集我國現行各種英文讀本編纂而成 一方可以與讀本互相聯絡 一方於書外單獨配之 可生特別印象
- (四) 每篇之角 註明讀次 程度亦由淺及深 先後不紊 裝成五盒 大致分五學年
- (五) 單字成語 合計一萬有奇 所示之例 亦在六千以外 應用於中學及專門學校 無慮不足
- (六) 是編主旨 純用聯想記憶法理 其妙處在方習此字 已能想及彼字 及習彼字 又復想及此字 展轉往復於腦海之中 用功不苦而記憶鞏固
- (七) 方箋之外 別有索引一冊 將五盒中所有語數依○○○之順序編入 註明各語之所在 讀者檢此 不但知某語在某盒某箋 即欲重行復習 亦可取此冊閱之

分 年

英 字 方 箋

蕪陽趙灼編著 上海羣益書社印行

- 第一盒 定價五角
- 第二盒 定價五角
- 第三盒 定價七角
- 第四盒 定價七角
- 第五盒 定價七角
- 索引 定價二角

(全) (五) (盒)

事 半 而 功 倍

學者 習外國語 最致力處 在摘記生字
 是編每字一箋 無異於摘抄 而解說之
 詳明 聯配之巧妙 印製之堅美 又決非
 摘抄所可及 實習英文者不可少之妙品也

其用在補助讀本

課外自修之良書

收功乃在讀本之上

歐洲花園 (原文“Jardim da Europa”)

葡萄牙當代文豪席爾達(Afonso Henriques Silva)原著
劉半儂 譯

(一) 千九百十六年三月十一日

晨起行於市。見鬻報之肆。家家咸樹一竿。竿頭綴巨幅之布。或懸徑尺之板。署大字於上。以爲揭櫫。曰葡萄牙開戰矣。此數字着吾眼中。似依戀不肯即去。而吾當舉目凝視此數字之時。心中感想何若。亦聳然竚然。莫能自說。但知戰之一字。怪詭有類。啞迷令人莫測其奧。七百年前。吾葡萄牙其眇小。其能張國威。樹榮名。自躋於疆國之列者。戰爲之也。及後阿爾加司克伯爾之役。摩爾醜種。敗吾軍。僂吾主。按 Moor 摩爾人居非洲北岸。爲阿刺伯 Arabian 及巴巴利 Berber 人之混合種。不信耶教。千五百五十七年。葡王約奧三世 King João III 薨。其孫撒拔司孝 Sebastião 嗣位。只三歲。王伯祖攝政。至千五百六十八年。王十四歲。歸政。王年少英敏。善運動及冒險之事。又篤信宗教。親政既十年。惡摩爾人之無化。集國中兵萬四千人。於千五百七十八年六月二十五日。自葡京里斯本 Lisbon 發。渡海征摩爾。八月四日。戰於阿爾加司克伯爾 Alcazar-

Feir 兵敗。王死亂軍中。萬四千人及從征諸貴族。或死或俘。無生還者。平事。有得王屍者。見其身受數十創。血肉模糊。衣冠類王外。無從辨別真偽。遂自西班牙運回葡萄牙。葬於白命寺。Convent of Belém 寺蓋王曾贈馬諾爾王 Manuel 所建者也。然後世史家。每多聚訟。謂歸葬者實非王屍。王之死。不在戰場。而在見虜於摩爾之後。孰信孰妄。至今尙無定論。說見倍爾氏 A. F. O. Bell 所撰 Portugal of the Portuguese 書中。以撒拔司孝之英毅。竟不蒙天佑。身死國辱。隳其祖宗之遺烈。而令吾葡萄牙人奴虜於人者。亦戰爲之也。嗟夫。吾國自經此敗。英氣銷沉。俠魂渙散。每懷前事。但有羞作。自謂葡萄牙曩固泱泱大國也。光燄燭天。榮名護世。以今之小。視彼之大。數百年來。愛國之士。殆無一不悲憤填膺。歎爲昔日之盛。恐終古不能見諸今日也。然昔日之盛。果終古不能見諸今日乎。則其事。猶待解決。固無人知之。亦無人能武斷之也。今葡萄牙開戰矣。祖宗之靈已歸。相吾輩。吾輩將來。運遇爲塞。爲吉。或可即此決之。夫以吾葡

荷。牙。先。人。之。事。業。曾。於。驚。世。駭。俗。之。中。闢。一。新。紀。元。於。探。幽。窮。險。之。中。闢。一。新。紀。元。曾。於。人。心。能。力。之。中。闢。一。新。紀。元。令。後。之。人。豔。羨。景。仰。歷。數。百。年。而。不。衰。至。足。昭。示。來。茲。者。吾。輩。幸。而。爲。其。子。孫。豈。可。豚。犬。自。居。而。不。一。念。其。遺。烈。邪。藉。曰。念。之。亦。豈。一。念。卽。了。以。爲。昔。日。之。事。僅。一。光。榮。之。幻。夢。今。夢。醒。情。移。不。妨。於。夕。陽。西。下。時。歌。俚。歌。徘徊。於。頽。垣。破。宇。間。摩。挲。舊。蹟。視。爲。考。古。之。資。而。不。以。爲。先。人。之。遺。命。前。進。之。鏡。吹。希。望。之。寶。庫。耶。諸。君。英。人。
按著者曾自譯此篇爲英文。刊諸倫敦有名文學雜誌。因其中。英人果敢人也。御木納之假面而藏鋒鏑於其中。善畫策。平時舉手投足。悉爲造策之資。策備乃待時而動。人之論斷諸君者。每謂英人何狡若游龍。不可捉摸。不知諸君固自有主意。初非激於一時情感而然也。職是故諸君恒視吾輩爲怪物。謂葡萄牙人善作夢。當晴日。當空。氣候溫暖時。則葡萄牙人夢矣。置身園中。

見橘樹及夾竹桃之花。燦然齊放。微風送香。則色然喜如登天。國會不一思。來日之大難。似此舉國皆夢。惛然不知世間復有白晝國。幾何而不亡。諸君以此責吾輩。吾輩敢不俯首稱是。蓋吾葡萄牙人。固善夢之種。族自承不諱也。然吾輩之夢。亦未必悉符諸君之所測。有一夢焉。作之數百年。今猶未醒。自當年撒拔司孝王遇害。國人悲之。北自格利西亞。南迄亞爾客夫。司極邊。凡言王事者。莫不愀然而悲。嘔唏涕洟。嘆其生丁未運。謂王英氣過人。春秋既富。貌復昳麗。如處子。國人見者。莫不願爲効死。以王其人。在理當展其雄略。建萬世之功。不能卽此淹忽。於是佃傭村媪。撰爲齊諧。父詔其子。母語其女。謂王實未死。今睡耳。異日且歸。至今山村酒肆間。老農輩偶談故事。猶堅執此說。非所謂數百年不醒之夢耶。詩人嘉穆思句曰。昔之忠勇士。獨秉瑰琦行。

Antiga fortaleza

A lealdade d'animo e nobreza;

按嘉穆恩 Louis De Camoens 或作嘉穆歐 Camões 生於千五百廿四年。卒於千五百七十九年。爲葡萄牙歷史中最有名之詩人。此二句以英文直譯之。爲 Ancient Vigour and Loyalty of mind and nobleness.

吾今重有此想。諸君聞之。勢必匿笑。然英人素以詩詞之學名於世。彼赫赫有名之詩翁。不嘗謂神話。村談。幻夢。怪想。均自具哲理。不能視爲妄謬耶。又吾葡萄牙農民。都樸質。寡文。與自然界相距極近。故爲狀絕類。小兒方吾兒時。乳母爲吾述神話。吾自搖籃中聽之。恒心慕神仙。謂他日吾長亦神仙也。今老農輩之於撒拔。思孝故事。亦猶吾兒時之於神仙耳。慕之既切。信之既深。苟有機焉。以通其壅。有不誓死。其前使失。諸撒拔。思孝者。收諸今日。於以滿滌。前辱耶。且物極必反。失敗之後。或轉光榮。痛苦既深。每多歡樂。毅力之刃。鍊自患難之爐。破產之父。臨終涕泣。遺孤奮勉。必昌其家。前事

如此。而謂葡萄牙卽此萎化。不能使理想轉爲實事耶。今葡萄牙已改民主政體矣。事在千九百十年。吾嘗嘗於撒拔司孝王故事。深致惋惜。聞者幸弗以吾爲王黨餘孽。亦弗以吾如此立論。事關政治。當知吾於葡萄牙全國之中。微論政黨政客。多無所憎好。亦無所信任。所自信者。但有國魂。昔耶穌基督未降生時。猶太人期望基督甚切。謂必基督生。乃能救民水火。及耶穌既生。以基督自任。雖猶太教徒。及市井無賴。羣起反對之。而反對之事。終無妨於基督。基督者。蓋應乎人人心中之願望而生。所謂果生於因也。今吾與邦人。既深信撒拔司孝之必歸。則執彼例。此安見撒拔司孝之果不來歸耶。來歸之後。選舊材。鳩舊工。重建舊邦。又安見其基礎之穩固。不允任萬往時耶。世之論者。又豈能決言吾葡萄牙神話。盡屬荒渺無稽耶。雖吾生有涯。而世變靡定。撒拔司孝來歸。果在吾一息未盡之前。

抑在吾此身既了之後。吾不自知要之。吾爲擊信。撒拔司。孝必歸之人。吾即可屏絕一切。王黨民黨之關係。自立一黨。曰撒拔司。孝黨。隸黨中者。吾本外人。卽全國佃傭村媪。至今猶深信撒拔司。孝未死者。其導吾入黨之人。則爲吾乳母瑪利。今已死矣。吾自問讀書識字。所讀歷史之書。自小學以至大學。聚之殆可成束。然求其趣味濃郁。摹繪往年事實。栩栩欲活者。殆多不如吾乳母之口述故事。有時故事之後。贅以俚曲。撫余項而歌之。尤能深鑄吾腦。令吾永不遺忘。今日身在倫敦。著者撰此篇時。旅居倫敦。見街旁鬻報肆。葡萄牙開戰之揭。藥。遠動。吾懷恍如熱血鼓蕩於中。而不能自己者。胥吾乳母瑪利之力也。瑪利居茫堆司州。其地冷僻異常。小說家流。每述其地。輒曰。茫堆司者。未經世人發見之沙漠也。又曰。茫堆司爲文明不及之地。以茫堆司道路崎嶇。居民寥落。逆旅既樸儉。有上古風。旅

行之士。亦遂裹足。凡一切奢侈淫樂。以及安適之具。世人美其名曰進步云者。胥不能於茫堆司求之也。吾葡萄牙編戶之氓。大都崇實黜華。茫堆司尤甚。倍爾氏 "Portugal of the Portuguese" 曰。葡萄牙人之政機關統轄。於初級教育。實行強迫制。然人民不信讀書。平時有勸令就學者。咸反詰曰。讀書有何用處。 "Para que serve saber ler?" (What use is it?) 因之八九十年來。成效絕鮮。六百萬人民中。不識字者居其四百五十萬。後有研究其故者。始知葡人反對教育。初非絕無意識。英人某。居葡萄牙有年。嘗論其事曰。葡人之反對教育。非反對教育。反對不良之教育也。自教育問題與政治問題相混。人遂以讀書爲于祿之資。一旦得志。放辟邪侈。無所不爲。長厚之國民。遂反對教育益甚。家有子弟。不令入學。曰。吾願吾子弟爲失學之良民。不願爲碩學之莠民也。且葡萄牙農民。雖不學。亦頗謙焉。有禮貌。待人和厚。而長於談論。里社有事。老農登台演說。顏面白鬚。衣短褐。輕而不襪。初以爲談吐必俚鄙不堪也。及其發言。則語音瀏亮。疾徐輕重。無不中節。似雄辯專家。反視讀書之人。轉覺拖汲帶水。格格不吐。又富於理想。國家有事。佃傭之談論。見識或反出政客之上。又以景物幽勝。水色山光。以至虫魚花草之細。多足孕育靈氣。故牧童野老。信口唱歌。均含奇趣。寫而出之。絕妙詩詞也。嗟夫。葡國人民。所缺僅二十餘字母耳。舍此不論。恐歐洲最文明之國民。亦莫能步武其後云云。夫以葡萄牙人天賦之美如此。苟施以適當之教育。何至退落人後。今也。因嗜廢食。地處歐洲。而不能受物質文明之實惠。國勢因以不振。余讀西人所著中國游記及評論。前後可六十餘種。無不盛道中國人民之良善。而痛斥政府之腐敗。其事正與葡萄牙相類。遊於其地。交接其人。

不識字者幾居什九。然宇內靈秀之氣。實鍾其身。記力理想。均高人一等。懷舊之念。尤時時盤旋胸中。與談舊事。自白髮之叟。以至三尺之兒。莫不仰首嘆息。似有無限悲苦。瑪利生於其地。呼吸其空氣。既久。女子也。而懷抱。乃類傷心之士。蓋有得諸不知不覺者矣。余嘗考其家世。知所居在山中。祖若父均業農。山中之地。自經墾植。能產嘉穀。而老農輩時時修道舊事。指山中古蹟以示後昆。謂某山之麓。爾祖宗鑿戰之地也。某水之濱。爾祖宗飲馬之處也。雖其言不勉。穿鑿附會。跡近神話。而鼓鑄國魂之功。實與墾植土地同屬。不可磨沒。吾國爲地球古國。曲繪其狀。發爲一白髮蕭蕭之老人。老人天性多喜神話。故二千年前。羅馬侵佔吾國之神話。至今猶傳說勿歇。余以神話無稽。素不研習。願於鼓鑄國魂之神話。則頗重之。謂聖經寓言。而外。足爲精神界之寶物者。唯此而已。吾今已長。

瑪利亦已物化。而瑪利小影。猶在吾目。吾六歲時。瑪利撫我育我之事。思之猶如昨日。記得瑪利恒赤足。而性情和厚。舉止溫雅。不類鄉村蠢媪。面棕色。微黑。然修雍甚淨。不以黑而妨其美。目大黑如點漆。似常帶悲楚。而口角則常露笑容。平時御紅棕色之衣。淡橘色之披肩。裙則天鵝絨製。黑色邊綴小珠以爲飾。首裹一巾。玫瑰色地。琥珀色文。自前額至後頸。盡掩其髮。兩耳垂珥。黃金製。甚長。下端幾及兩肩。自頸至胸圍一金鍊。其製極奇。累累然綴小十字架及心形金瓣無數。問之。則以得諸祖傳對。謂每一十字架。或一心形金瓣。卽爲一祖先之遺物云。是日之夜。余獨處逆旅。腦思大動。恍如吾身已退爲小兒。與瑪利相處。幻象中。似身居祖國。濃霧迷漫。山谷間。盡作白色。羊頸之鈴。鏘鏘不絕。牧羊之童。則高聲而叱狗。歐洲南境。牧羊者多繫鈴羊頸。又畜狗以護羊羣。蓋防狼至也。又似天已入夜。啓窗外。望天上有明星。

烟。燦。如。與。吾。點。首。風。自。西。來。動。庭。前。松。樹。颯。颯。作
聲。松。下。有。忍。冬。花。方。盛。開。風。送。花。香。令。人。心。醉。瑪
利。則。徐。唱。俚。歌。撫。余。就。睡。歌。曰。風。吹。火。火。小。則。滅
之。火。大。轉。熾。之。同。心。而。別。離。毋。乃。類。於。斯。

Como o vento é para o fogo

E a ausencia para o amor;

Se é pequeno apaga-o logo,

Se é grande torna-o maior.

此歌直譯英文為 "As is the wind to the fire, So is absence in love. If love be slight, it is soon less; if great, greater 'twill grow." 以風火喻人事。言愛力不因別離而
疎。猶火力之不因風而滅也。又西文 Love 一字。凡男女之
愛。及愛國之愛均用之。此歌兩義均通。就本篇言。當是
愛國之愛。若謂作歌之始。係以男女之愛比愛國之愛。尤
婉妙有味。蓋
義兼比興也。

余覺此歌趣味雋永。玩味再三。不覺昏然入睡。

(二) 四月一日

余仍在倫敦。蚤起見天作魚白色。陰雲下垂。似上
帝。蹙。頰。閱。世。人。之。疾。苦。風。自。東。來。奇。冷。着。人。欲。戰。

余憑闌遠眺。百感交集。思吾祖國。昔日之光榮。今
已消散。今日之事。猶在擾攘中。雲稠烟重。不能遽
判其結果。則將來者。其為希望與否。為一蹶不振
與否。亦豈能預說耶。思至此。覺萬念多冷。但有悲
嘆。忽街頭一賣花者。手一木箱。中實紫羅蘭花。按
羅蘭花。西名 Violet 葡人頗重視之。如英人之重視玫瑰花為英之國花然。高聲求賣。花上露
珠未乾。顏色鮮艷。似迎人而笑。余一見此花。斗如
冰天雪窖之中。驟感春氣一息。一呼多含愉快。蓋
此小小之花。足導吾靈魂。使復返兒時也。記得六
七歲時。一日園中紫羅蘭方盛開。瑪利挈吾同坐
花砌之旁。見天色明淨。一碧如洗。日光作黃金色。
着人奇暖。而瑪利娓娓為吾道撒拔司孝遺事。吾
聆之亦覺希望幻夢多美麗。放金光也。瑪利之言
曰。人言撒拔司孝王已死者。妄也。當王渡海出征
時。師船千艘。銀檣而錦帆。貔虎之士。萬有四千。既
渡海。勝亦進。敗亦進。創深矣。流血成渠矣。而掌職

之弁猶揚旂而前。旂色如雪。映耀日光。煥爲奇燦。及勢盡援絕。王猶躍馬獨出。潰圍三次。披殺摩爾三十九人。力盡乃成禽。當彼時。夕陽西下。斜照戰場中。見屍骸枕藉於地。中有葡萄牙人萬三千。前萬四。此言萬三。殆專指戰死者而言。掌旂之弁亦受創死。然猶握旂於手。不肯放旂。本白色。昔曾飛揚空中。與青天之色爭艷者。此時血跡滿之。倒地作慘紅色。似爲死者。嗚其悲憤。嗚呼。王竟敗矣。王爲上帝之故而出師。竟不蒙上帝之福矣。自王之敗。至於今日。日蹙國百里。昔之泱泱大國。浸且不能自立於世矣。王既成禽。摩爾人載之歸。梏其手足。納地獄中。令終歲不見天日。王羞忿交并。每值黑夜。聞獄外鬼聲。飄飄與風聲潮聲相和。時心輒暴痛。如欲裂爲千萬。自言曰。嗟乎上帝。吾以眇眇之身。臨世界最富最强之國。私心竊願。亦欲上答帝恩。樹十字架於世界盡處耳。今不幸而敗。自是而後。豈吾已。永永不

能與吾民相見耶。豈吾已。永不能更見。矐靈之光耶。豈吾已。永不能乘吾戰馬以臨敵耶。豈吾已。永不能揮吾寶刀。率吾戰士。殲彼醜虜耶。王戰創本劇。益以悲愴。生活之力。遂日趨消散。未幾卽納其靈魂於上帝。閉目勿聲矣。瑪利語至此。稍息。余靜坐其旁。屏息欲聆其續。頗不耐。問曰。其後如何。瑪利曰。其後一日。時在四月。朝陽方起。有微風自東來。挾魔力透地獄之堅壁而入。王在獄中。忽聞樂聲悠揚。若遠若近。又有紫羅蘭香。隨風而至。啓目視之。則石壁已消。但有大海。海上青天如笠。日光溫暖。傍岸有一船。金艚錦帆。莊嚴奪目。船頭立一銀甲神。曰聖密察爾。聖密察爾西名 Archangel the Warrior. Archangel 天使之長也。 Archangel the Warrior 武士也。戰爭之神也。見王卽引王登船。駛向海天深處。頃刻不見矣。余曰。王既出獄登船。駛向海天深處。想必甚樂。瑪利曰。否。王戚甚。身雖出獄。心實繫念。吾民登舟後。問聖密察爾曰。至高

至貴之天使。吾不知何日何時得返故國。吾知吾國之民。今方痛哭不止。悲我運遇。又日日禱天。求上帝佑吾歸國。吾民之意。殆以吾苟不歸。吾葡萄牙。決無發展國威之日。至高至貴之天使。能示我歸期否。天使笑而不答。王再三問。則曰。究在何日。吾亦不能預指。但汝既思歸。甚切。汝民又念汝。勿舍。亦終有歸期耳。汝其靜俟。上帝之明詔。已上云云。瑪利當春花盛開。秋月初上之際。為吾講述者。殆不下百十次。余每聆一次。既迄。必問曰。不知今日。王歸否。瑪利曰。今日不歸。則明日。明日不歸。亦終有一日歸也。諸君英人。疆域佔全球五之一。尙勇進。不知回顧。聞吾此言。必斥為幻夢。然而舉國精神。匯聚之焦點。果為幻夢。與否。吾可援引諸君。人人誦習之格言。以答諸君也。格言曰。母或擾女。母或恐女。萬變糾紛。運行無阻。赫赫上帝。獨留相女。

英漢辭典

定價一元五角

分類精審	解釋明確
收羅宏富	裝印堅美
攜帶輕便	定價低廉

上海

棋盤街

羣益書社

印行

Let nothing disturb thee;
 Let nothing affright thee;
 All Passeth.
 God only remaineth.

(完)

弗羅連斯 (續第一號)

英國王爾德原作
陳霞譯

希 哦呀。這可了不得。謝謝殿下。請讓我在殿下手上接個吻。剛剛想起來了。小的這店裏還有一件寶物。就是卑列加人做的禮服。天鵝絨地子。上面石榴花。這石榴米兒。一個一個全都是真珠做的。那條頸帶也全用真珠聯成的。珠子分量很重。再講光采。比在黑屋子裏瞧的月亮還白。大塊的紅寶石。像火盆裏着炭那模樣亮燦。就是大僧正也決沒有這樣寶石。印度人也沒有的。那枝別針更做得非常精工。就是瑟理尼 (意大利彫刻家金匠) 巴結大僧正也沒爲他雕過比這個好看的。殿下務必將那件衣服留下。在弗羅連斯地方。比那件再講究的衣服可沒有了。殿下穿那個非常合式。像那樣闊氣的衣服。除了

弗羅連斯

殿下。還有誰配穿呢。皮昂卡。你想對不對。就求你在殿下面前說句話罷。只要你一說。任怎麼貴的東西。就是要用殿下遇難贖身的錢。我想殿下也沒有不依從的。若是照這樣辦。也有你一半好處。

皮 我也不是你的掌櫃的。誰知道你的天鵝絨衣服。這些事！

易 噯。噯。皮昂卡。我買了那件衣服。就是你們老板是個老實人。他所有的東西。不論什麼。我一齊買了罷。皇子的身子是不能不贖的。而且我落在這樣美貌的敵人纖手裏。真個幸福。

希 一齊全買？請殿下全買了罷。本來就是五萬克郎也不想賣。既然是殿下的事情。有四萬克郎就行了。若還嫌價錢太貴。請殿下說個價目。就是殿下。我現在正在那裏胡想呢。

我想殿下在宮裏穿了那件光彩奪目的闊衣服。雜在女官隊裏。越顯的花中之花。殿下舉足。那些美麗的女官。個個都想得殿下寵愛。挨在殿下身邊。一個個打四周圍貼住。好像蒼蠅一樣。

易 希莫烈。你也是張水嘴。少編幾句也就噁了罷。難到眼面前有這樣體面的女官在這兒。你竟忘了不成。他耳朵裏必不願意聞這些無聊的白話。可是不是。

希 是。是。再不講了。殿下。怎模樣。現在說的那件禮服。可肯買下咧？四萬克郎！當今的儲君殿下。這幾個錢算什麼。

易 明日早上教管事的安陀虐恬司達來這兒同你接頭。若是要。漫說四萬克郎。就是一萬萬也可以。

希 一萬萬克郎！殿下賞我這樣多錢。那就不

論什麼時候。要什麼東西。都可以孝敬了。從今天起。我們住的這房子不必說。這房子裏所有的東西。不問什麼。都是殿下的了。阿呀。阿呀。一億克郎！就是心裏思想會子。也要眼花！若果能這樣。我在這所在要算頭一個大富翁了。那時節買葡萄田。買地。買花園。從密蘭到西細里這一帶的綢緞。都爲我所。阿刺伯大海裏出的真珠。也全歸我。多謝殿下。殿下若要什麼。無論怎樣。我不會說不情願。

易 希莫烈。你聽我講。若是我說想要這個體面皮昂卡。你待怎樣！

希 這個殿下取笑了。這樣女子。怎麼配伺候殿下。他們在家裏紡紗長大的皮昂卡。你說是不是？快去。線車在那兒候着你呢。快去坐着紡紗罷。女人家操勞家務事情不能躲懶。

的爲什麼呢。手一閉着心就花于。呵。去坐下罷。

皮 教我去紡個什麼咧？

希 你愛紡什麼紡什麼。人情世故。你是不曉得的。年輕的人思想簡單。心又太直。智慧這件東西。是同年歲一塊兒來的。上了年歲自然會明白了。人情世故。我很透徹的。如今頭髮已經花白。青春時代老早過了。不算那些。今天晚上快樂到極處了。不指望來這樣一位貴客。受這位客人愛護。主客相投。心裏覺得很舒服。

皮 容易毀的螺絲條已經壞了。車輪子一天轉了沒歇。也鈍完了。今天晚上算了罷。

希 那兒有的話。那怕什麼。明日早上你再做。每天紡紗是你的功課。達爾昆見牛柯烈沙的時候。牛柯烈沙正在紡紗。但是他或者帶紡

紗帶等着達爾昆來也未可知。(按達爾昆。羅馬第七代王盧希亞達爾昆之子也。牛柯烈沙者。其臣柯刺奇司之妻。爲達爾昆污辱自殺。人民既厭盧希亞之暴虐。復忿太子無道。遂殺太子以叛。盧希亞廢逐出境。改王國爲共和國。)誰知道他的

真情咧？婦人家心腸。真正猜不透。殿下他們外國。沒有什麼古怪的事嗎？提起古怪的事來。今天我在披薩鎮市上。聽說有英國商人發賣比羽毛還賤的哈喇。聽說這班商人。要求董事許他們這樣的。這樣事情也好做的嗎？元來商人對於商人。是不能不做那樣狠毒的事情嗎？總而言之。在這國裏住的外國商人。平白的要了特權。將我們利益都奪了去。這樣事情也做得的嗎？

易 那嗎。你的口氣。是要我替你們商人設法維持你們的利益嗎？教我爲你們利益去查辦董事嗎？你們買賣人。從呆瓜手裏買來的。還賣給大呆瓜。如今要套我出來管這些

閑事嗎？希莫烈羊毛賣出買進。是你的事。我一概不管。

皮 殿下。丈夫不會說話。請殿下莫要見怪。他雖然是正直。但是時時刻刻心在買賣上。肚裏一上一下只顧默算羊毛的價錢。(向希白)你說這些話不嫌含憎嗎。殿下。這兒你的窮話無千帶萬。惹的殿下不歡喜。這還了得。向殿下告罪才是。

希 真正對不起。那嗎。換樣別的事情談談罷。聽說大僧正(按即羅馬法王前文俱同)爲保意大利平和起見。通告法蘭西皇帝。禁止他越那個有名的雪盾阿爾勃斯山過這邊來。法蘭西皇帝若是來了。光景比內亂和土匪糟擾。還要利害些呢。

易 阿呀。又是法蘭西皇帝。這些話已經聽慣了。只謠言要來要來。到底還沒來。就說來了。管

他的。你我現有比這個更密切更要緊的事呢。希莫烈。

皮 (向希說)又說這些話惹的要緊的客不舒服。豈有此理。你說法蘭西皇帝怎麼樣？這些寡話。和說英國羊毛商人的事情。有什麼分別。

(希莫烈退立後面)

這樣專說寡話的人。真沒見過。我討厭極了。小氣樣子擺在臉上。一雙手比冬天北極的樹葉子還要白。一張嘴結裏結巴的。不知道說些什麼。吐沫直噴。

易 阿。可愛的皮昂卡。那漢子同你我全然合不起把來。無聊的市儈。他不過是個老實光棍。會說的買賣人。賤買貴賣。口裏吹的天花亂墜。這樣厭物。我從來沒見過。

皮 即刻無常來找他就好了。

希 (改轉其面向) 阿呀。無常！這是誰說的？

不能說這樣不吉利的話。夫妻們同客正在歡歡喜喜的。偏要提無常。那無常可要尋個事來做做呢。犯了姦情的骯髒人家。無常去找他。那是應當的！就是貞節女子。也有漸漸的嫌厭自己丈夫。不怕犯法。流于淫亂的。無常也好去找這等人家。(取笛介) 殿下。這是什麼東西？哈哈。元來殿下打算帶來吹給我們聽的。請殿下吹來聽聽。剛纔又說些不相干的話。請殿下沒怪。這且不提。請吹來聽聽。

易 不行。今天晚上不吹了。改天罷。(向皮說) 趕僂們倆除了天上的星。沒有外人聽的時候。我再吹。或者只有嫉妬我們的月亮在上面。那也行。

希 殿下。不要這樣說。請吹來聽聽。可以嗎。我時

常弄條線把指頭彈着玩。或者劈根蘆柴管子吹着玩。聽說凡是有奇技的人。可以安慰自己。將他可憐的靈魂。從牢裏帶了出來。又聽說有種不思議的魔法。藏在這笛子裏。吹的時候。將葡萄葉子載在婦人家頭髮上。就是未開知識的女子。也要迷惑。狂的像蕩婦一樣。這樣事情。當真有了可了不得。我知道殿下的笛子是潔淨的。所以請殿下吹給我們聽聽。請吹個滑流曲子。把我耳朵興興起來。我的靈魂。此刻好比在牢裏。安慰這可憐的靈魂。頂好是音樂。皮昂卡。你也幫我求求。只管放心。殿下他要擇個地方。檢個時候。現在不是那個時候。我不能跟你那樣一味的胡纏。

易 希莫烈。改天夜裏吹罷。我今天夜裏聽了皮昂卡嬌聲軟語。可以算得音樂。已經心滿意

足了。皮昂卡一張口。連空氣都嬈嬈動人。動了不歇的地球。也定住不動了。就使還動。也要聽皮昂卡的意思。

希

這是你恭維他。他的德行怪好。說他好看。那是沒有的事。到是這樣好些。殿下小的乏的狠。總想尋個事快樂快樂。殿下既不願意吹笛子。可肯共小的飲杯酒呢。

(遠望桌子)

殿下。請在這兒坐罷。皮昂卡也替我拿張椅子來。把窗戶關上。插上門。我刻妨那些好管閑事的。在外面窗戶縫裏偷看我們。嘎。殿下請乾這盃。(急慌起立介)殿下衣服上這塊。是什麼東西？顏色紫的像耶蘇胸脖子。上傷一樣。是潑了葡萄酒在上面嗎？人說潑了葡萄酒就要潑血。其實是鬼話。那有這回事情。殿下小的的葡萄酒。合口味不？烈

勃爾斯的葡萄酒。好比烈勃爾斯的山。實在利害。塔司港葡萄田裏出的葡萄酒更養人。希莫烈。求你許我敬皮昂卡一盃酒。皮昂卡的嘴唇。一挨這盃子。酒的味道更好了。嘎。皮昂卡。你喝。

(皮昂卡飲酒)

阿呀。無論怎麼甜的密。不能比這盃子裏酒還甜！希莫烈。你不嘗嘗這酒嗎。

希

殿下。可不知道是什麼緣故。今天晚上同你一塊兒喝酒吃東西。實在嚥不下去。心裏怪污躁的。好像瘋了一樣。不知道怎麼會事。腦袋裏想的希奇古怪。害得我口裏淨淡寡味。真懶得吃喝了。

(向壁邊行去)

易 可愛的皮昂卡。希莫烈一頓說。說的我一點興致也沒了。回去了。明日再來罷。什麼時候

好咧。

皮 天黑了就來。我一時見不着你。那一時就算虛生了。

易 阿。阿。你把你眼睛給我瞧瞧。只當照鏡子。在你眼睛裏瞧瞧我自己模樣。可愛的皮昂卡。你眼睛裏的我。不過是個影子。但願我的影子永遠住在你眼裏。凡是不像我的東西。無論什麼。你別要瞧。你瞧見別的東西。喜歡。我狠忌妬。

皮 殿下。你的模樣。無論什麼時候。總照在我眼裏。有情的眼睛。只要一望。不論怎麼不相干的東西。總瞧見心上人的影子。彷彿在那兒。這且不講。明日一早。雀子還沒叫的時候。你到這兒來。我貼在這廊檐上面候你。

易 你見我來了。就下梯子來相見。

皮 若是殿下想這樣。我連性命都可不顧。

易 希莫烈。我要回去了。

希 還早呢。爲什麼這樣早就忙着要回去呢？每天夜裏午鐘還沒敲呢。再略微坐一會兒。此刻一分手。好像不能殼再在這兒會面。心裏實在難受。

易 用不着猜疑。希莫烈。我永遠親近你們。但是今天夜裏要回去。立刻要回去。明日一早。句皮昂卡。

希 原來這樣。那嗎只得聽便了。新同殿下結交。本想從從容容的叙叙話。但是也不好強留。不用講。殿下的父親。在那兒眼巴巴的候着。殿下。殿下同胞的。不就是殿下一個人嗎。殿下。真是一家的屋柱子。正是萬綠叢中一點紅。弗羅連斯一般的傳言。都講殿下父親的那些外甥。都不喜歡他舅舅。說是外甥少爺們。瞧殿下做了太子。一個個都不服氣。因爲

望見殿下的葡萄田。眼就紅了。殿下晚安。皮昂卡拿火燭來。舊樓梯到處都開了窟洞。月光模糊的瞧不見。阿小的替你拿着外套同劍罷。殿下不必客氣。小的替你當差是應當的。殿下的大駕到我們這樣不成樣子的商人地方來。不嫌氣喝了我們的酒。又吃了我們的粗麵包。以後我夫婦兩個時常要說起今天晚上的歡樂。同賣了許多錢呢。阿呀。這柄好寶劍！這把劍確乎像蛇一樣。又軟又利害。正是人說比蛇還可怕那個法拉（按法拉十六世紀意大利有名之製劍家）造的呢。有了這樣好寶劍。就在這齷齪世間裏也沒什麼可怕的了。我也有把劍。現在多半上鏽了。我們太平世界裏男子。跟人學的是謙讓。就像自己肩上有重重的擔子。對於這不正的世間。毫無一句怨言。就是受了冤曲。也只好忍氣吞聲。總而

言之。學成最會忍耐的猶太人一般。要從苦痛裏面尋快樂。雖然是這樣。那年我到巴西國去。路上遇見一個強盜。他想搶我措行李的馬。被我一劍刺着他咽喉。我就走了。任憑世上人怎樣恥笑我。侮辱我。虐待我。我都忍耐得下去。但是要想奪我手裏的東西。就是吃飯用的一個小盒子。他的禍事就到了。只怕犯了這點小罪。就要送命。不知什麼希奇古怪的土地裏。長出人來！

易 你爲什麼說起這些來？

希 易鐸殿下。不知什麼緣故。小的總覺得我那把劍比殿下的還要鍛煉得好些。較量看看好嗎？隨便比着玩。真比試都使得。但是殿下不會推辭。我們這等人不是殿下的對手嗎？

易 阿。這個很有趣。說什麼真的假的。怎麼教

作較量。把我的劍遞給我。你也去拿你的劍。照你說的。殿下的劍和商人的劍兩下比較。到底誰的鍛鍊得好。今天晚上要解決這個大問題。好。你取劍。怎樣較量法？

希 殿下。你到我們這破屋子裏來。真是無上的恩惠。皮昂卡。將我的劍拿來。桌椅搬過一邊。決鬥非得預備個大場子。再者皮昂卡。你拿火把在這兒點着。爲的我們原是鬧着玩兒。可不能當真決鬥起來。

皮 (向易說) 將他殺了！將他殺了！

希 掌住火把。

(二人開鬥)

希 哼。來了。哼！哼！要不然你先動手？

(希手受創)

些微碰傷！沒什麼。僅此這一點！火把礙事。瞧不清楚。放不着傷心。皮昂卡。沒有什麼。

你丈夫受點傷。算不了什麼。拿布來給我包起。沒有大傷。挨一會兒罷。用不着這樣擔心。還把布揭去。流點血算什麼。(撕棄繃帶)好。再來一回！再來一回！

(希莫烈擊落易鐸之劍)

殿下怎樣？我贏了。我的劍更加好些罷。但是我們再用短刀比比看？

皮 (向易說) 將他殺了！將他殺了！

希 皮昂卡。將火把滅了。

(皮昂卡滅火把)

好。殿下。你們拚個你死我活。或者你們倆都死。就是偕們三個人都死也行。

(二人開鬥)

這個……哼。畜生！再也逃不了我手裏了。

(希莫烈按易鐸伏于桌上)

易 胡鬧些什麼！不要按住我頸脖子。快放手。

！我是一位王子。這國裏的儲君。你不知道
狡猾的法國人。等着我父親血統絕了。就來
占領這地方嗎。

希 歇嘴！你父親不要你這樣嗣子。還是幸事。
我們弗羅連斯國裏。也不想要淫亂的昏君。
你這條性命。還是做了弗羅連斯百合花的
肥料好。

易 放手！放了你這骯髒的手！叫你放鬆這
兒。你難到聽不見！

希 不行。你這樣無惡不作的人。天理難容。你此
刻止有恥辱。你的生涯同這恥辱一塊兒完
事罷。在這無上恥辱之中了了罷。

易 阿你要殺我。先把神父喊來！

希 喊神父來幹什麼？你的罪惡。今晚向你不
能不見面的上帝。和你以後永遠瞧不見的
上帝說了就是。你的罪惡。是慈悲不來的。慈

悲不來的。所以頂正當。頂正當。所以慈悲頂
深。你向這位上帝說了就是。再者于我自己
也……

易 哦呀。親愛的皮昂！救我！救我！皮昂卡

我無辜被殺。你應該曉得的。

希 當面撒謊。難到你還想活不成？搭了舌頭。
像死狗一樣死了罷！死了罷！死了罷！
待一會安寂無聲的弗羅連斯河流接你屍
身。那嗎。人不知鬼不覺。就葬在大海裏面了。
阿。阿。基督。若是今晚肯收我這齷齪靈魂就
好了！

希 Amen。皮昂卡。你也要照樣祈禱。

(易鐸絕息。希莫烈立起。注視皮昂卡。皮駭
極若狂張其兩手奔希身邊)

皮 你這樣強幹。爲什麼以前我總不知道呢？
你長的體面。爲什麼以前我總不知道呢？

(二人相抱接吻) 下幕 (完)

赫克爾一元哲學（續前號）

馬君武

良知及教條之衝突。吾人今日之教育既爲科學進步之結果。則於公私生活各方面須有相當之權利。即人類當本良知以進於知識之較高級。依更善之路途。以得幸福。方足以收自然科學進步之效。而主張宗教者。凡關於精神教育一項。恆欲將人類羈留於中世紀。頑守教條。恪遵默示。以埋沒其良知。凡今日之言宗教學。言語學。社會學。法律學者。皆如是。此輩之良知。亦非完全本於自利主義。而在於不知真正事實。拘守古說。故良知及科學之三大仇敵。即惡念。無知識。怠惰三者。而後二者較前者更爲危險。雖具大神力。能戰勝第一敵。猶難戰勝第二及第三敵也。

造人說。教會派世界觀念之有力支柱。即造人說 Anthropismus。以爲人類構造。與一切自然界之生物相反。爲有機創造物之最後目的。與神相似。是爲一切謬說之源。造人說又分爲三大教條。即集中造人說。變體造人說。比較造人說三者。

一 集中造人教條 Das anthropozentrische Dogma。謂人類爲地球上或全世界一切生命之豫設中心點及最後目的。此謬說與人類之自利心能適合。又與摩西耶穌謨罕默德三大教有密切關係。故現今文明世界。尙有大部分從之。

二 變體造人教條 Das anthropomorphische Dogma。亦與上述三教有密切關係。以爲上帝創造世界。管治世界。可與靈巧之工匠。睿智之君主相比。上帝之思想及行爲。一如人類。反言之。人類與

上帝相似。謂「上帝依己像造人」是爲上古一神教之膚近神秘學。上帝既具人相。復是血肉。近世神秘學微變其說。謂神不可見。能有思想。有言語。有行爲。造成一種氣質脊椎動物之謬說。

三 比較造人教條 *Das anthropologische Dogma* 是以人與神之靈魂作用比較得之。謂人之靈魂不死。人類具二元性。不死之靈魂。暫居宿於必死之肉體中。是卽二元教條。

世界之一切宗教。大概以此三教條交互變換。自圓其說。積世以後。迷信已深。謬誤百出。成爲造人的世界觀念。與吾儕所主張之一元自然知識。恰相反對。是當以宇宙真相觀察破之。

宇宙之真相觀察。今本宇宙真相觀察。以建立吾儕所主張之一元說。不惟上所述之造人三大教條。凡一切二元哲學之世界觀念。及其他愚人之宗教。皆可不攻自破。今列已實證之宇宙公例如下。

1. 宇宙爲永遠無盡期無止境者。
2. 體質 *Materie* 及勢力 *Energie* 合爲物質 *Substanz*。充塞空間。運動不息。
3. 此運動在無盡期內。新舊交換。生死代謝。爲單位之進化。
4. 世界體無數。分布於以太 *Ether* 間。皆依物質公例。在宇宙之一部分。有運行的世界物體退化滅亡。在他一部分進化發達。
5. 太陽爲此無數世界體之一。地球爲旋繞太陽諸行星之一。
6. 地球經冷卻期甚久。乃具水質。爲有機生物成立之最先條件。
7. 有水之後。經生理作用。有無數生物徐徐進化改變。其所經年數。至少在十萬萬年以上。

8. 經生理進化得各種動物。最後得脊椎動物。爲發達最完善者。

9. 脊椎動物變成後。又經若干年。至三疊系紀 *Triasperiode*。由最下等之爬行類及雙棲類。變得哺乳類動物。

10. 哺乳動物類發達之至完全者。爲猿猴類 *Primates*。其時約在第二系紀 *Tertiärzeit* 之初期。距今約三百餘萬年。

11. 猿猴類發達之至完全者。爲人類。其出現時約在第三系紀之末期。爲自數種人猴類之所變成。

12. 人類之文明發達史。不過數千年。以與地球生物史比較。短不可言。地球之生物發達史。與行星成立史比較。亦短不可言。地球爲太陽分出之一小體。與無盡境之世界比較。復小不可言。而每一人在有機世界內。不過極微小之一元素。

此上所述自宇宙真相觀察所得之十二公例。卽解決世界一切疑謎之張本。不惟人類在自然界之位。置。依此可以明瞭。而造人教條之謬說。亦不難破除。所謂「依神相造人」、「永遠生命」、「無界限之意志自由」諸說。皆不能成立。如羅馬皇帝加里古納 *Caligula* 自尊如天神。不過爲此謬說之流毒。今排除此謬說。實地觀察宇宙之真相。則一切疑謎。不難解釋矣。

疑謎之數。未受文明教育之人類。與自然界之人類。在此世界。隨處皆遇有疑謎。文明愈進步。科學愈發達。則疑謎之數愈少。一元哲學所認爲疑謎者。惟有一項。卽物質問題 *Substanz Problem*。與此問題相關者。尙有疑謎數項。博雷孟 *Emil du Bois-Reymond* 一八八〇年在柏林科學會之著名演說。謂世

界不可解之疑謎有七，順列之如下。

1. 原質 *Materia* 及強力 *Kraft* 之本性。
2. 運動之起原。
3. 最初生命。
4. 自然界之合宜配置。
5. 感覺及知識之由來。
6. 思想及語言之由來。
7. 意志自由問題。

博氏謂此七疑謎中第一第二第五三者為完全超越不可解釋。第三第四第六三者為甚困難而仍有解釋之望。第七者實用上最重要。雖有解釋。然至難決定。

予之一元哲學所解釋之疑謎。雖與博氏所主張者不同。然博氏所謂七疑謎。莫不可本一元哲學解釋之。有如第一第二第五三者。可據本書第十二章之物質論解釋。第三第四第六三者。可據進化論完全解釋。第七章不成科學問題。本為一種欺人之教條。故原不存在。

疑謎之解釋。吾儕解釋世界大疑謎之方法。不外純粹的科學知識。由經驗以得結論。科學之結論。由吾儕用感覺機關及大腦之感覺府。積多種觀察及試驗得之。感覺機關為極微細之司感覺細胞所成。感覺府為腦線細胞聚集之族部所成。自此精神界之貴重機關。由外界所得經驗。在腦髓之他部分保

存之。以待與他經驗相積合。結論造成之方法有二。即最有價值不可缺少之歸納及演繹二法。其他腦髓作用。如連合結論之構造。懸想。悟會。已得之知識。依幻想補充之。以及理想思慮研索諸事。皆大腦之腦筋線所顯作用。凡此一切。皆屬良知之最高範圍。

良知 (Vernunft 或譯「理性」前後均同) 與會 (Genitt 徹悟 Offenbarung 欲得真實之自然界知識及解釋世界疑

謎。惟賴良知是爲人類所具最貴之物。與其餘動物相異。即在於是。然必須文明及精神教育進步。科學發達。其價值乃見。未受教育之人類及自然界野蠻人類之良知。與其他相近之動物。如猿犬之類。無甚大異。然今人多謂除良知之外。尚有與會及徹悟。爲得知識之他二途。此實大誤。不可不辯。與會與真理認識。毫無關係。所謂與會者。乃腦髓之一種複雜作用。由哀樂感觸。好惡懸想。及拒求傾向等。聯合所成。其他各種機關之作用。亦助成之。如五官筋肉胃臟生殖器之需要等等。而認識真理。全不須此。反之。與會適足以與良知相妨。而受其害。世界疑謎。決無依與會解釋或促進之理。至於徹悟。則全依有識或無識之迷惑所得。與真理無關。詳見第十六章。

哲學及自然科學。解釋世界疑謎之二途。即經驗與思想。單憑思想。必至陷於理想的世界構造觀。不足語於真正知識。如拍拉圖 (Plato) 及赫格兒 (Hegel) 皆是。若單憑經驗。以爲世界觀念之基礎。其弊陷於不完全。如倍根及彌爾 (Mill) 皆是。屬於感覺的經驗。及屬於良知的思想。爲腦筋之不同二作用。前者以感覺機關及中央感覺腦府司之。後者以思想腦府及大腦皮之集中處司之。經驗與思想相合。乃有知識。今之哲學家。每尙欲以自己之頭腦構造世界。不知世界實爲何物。故輕視經驗的自然知識。於

他一方又有自然界之研究家。以爲科學問題。惟在事實證驗。及單一自然界現象之客觀研究。謂哲學之時代已過。代之者爲自然科學。(費爾索Virchow 一八九三年之言)此偏重經驗一方者。易致陷於最危險之錯誤。與偏重思想一方者同。今世自然界研究之大成功。如細胞論。熱論。進化論。及物質公例。爲哲學的事實。然非純粹思想之結果。而爲完全推廣經驗之結果也。

二元論及一元論。自今日自然科學之立腳點評判之。凡哲學可分爲二類。其一爲二元的世界觀。他一爲一元的世界觀。前者與宗教及唯心之教條相關連。後者與物力及真實之原理相關連。二元論分世界爲二。卽物質世界及非物質上帝。後者爲前者之創造者。維持者。管理者。一元論只認此世界爲一物質。上帝與自然界。同爲一物。物體與精神。不可分離。唯心論及唯心論。一元論每易與唯物論相混淆。恰如理想唯心論每易與實用唯心論相混淆。因是起許多紛擾錯誤。今明辯之如下。

1 純粹的一元論。與理想的唯心論迥異。後者不認有所謂精神。而視此世界爲原子之聚和物。純粹的一元論。又與理想的唯心論迥異。後者不認有所謂體質。而視此世界爲勢力或非體質之自然力。集列所成。

2 桂特 Goethe 謂「體質無精神。或精神無體質。均不能存在及有作用。」斯皮挪薩 Spinoza 謂「體質爲物質之擴充至無限者。精神卽有感覺或思想之物質。一切神的世界以及上下四方之物質。皆以此二者爲大本。」吾儕所主張純粹無貳義之一元論。卽在於是。

當代一大科學家之思想

(續第一號)

陳獨秀

阿斯特瓦爾特

(一)略歷 精力說之唱導者阿斯特瓦爾特氏。顏其居曰『精力別墅』(Landhaus Energie) 彼誠精力絕人。名稱其實。非若東洋流之名士。戲以雅號佳名自飾也。氏任萊卜茲(Leipzig)大學教授。并同校化學實驗室之主任。教學之暇。手著之書。除化學多種外。尚有二十餘種。其頁數計一萬五千八百餘。又論文百數十首。頁數千六百餘。講演數種。三百餘頁。介紹學說三千九百。著作批評九百有餘。此外復擔任刊行『物理化學評論』自一八八七年始。及『科學叢書』自一八八九年始。賓客往訪。率珍重遇之。有問學者。尤不惜殷勤詳答。其精力之強。誠堪驚嘆。氏以一八五三年。生於里加俄之西北港市。年二十二。卒業於大學。年二十七。與某女結婚。次年。任里加某工業學校教授。一八八七年。去俄羅斯往德意志。任撒格遜尼(Sagony)王國都中萊卜茲大學教授。時年三十有四。在職十九年。等身著作。大部分成於此時。一九〇六年。辭教授之職。移居鄉間。『精力別墅』精研哲學。今猶健在。老而益勤。或有以何故棄有用之化學。而從事哲學等不生產之學問為質者。阿斯特瓦爾特答曰。『公等視哲學為不生產之學問耶。是謬見也。所謂文明者。專門研究之時代。與夫全體綜合之時代。互更遞進。前世紀乃專門研究時代也。今世紀乃全體綜合時代也。余自始即好哲學。然未嘗治之者。時代為之也。今其時矣。此余之所以舍萊卜茲而來精力別墅也。』氏長於語學之天才。兼精俄德英法各國語。及世界語。嘗謂各國異語。頗為學術及交通

之障礙。遂銳意於世界語之改良及傳播。一九〇九年以化學所得諾倍爾賞金悉數充作傳播世界語之用。然彼對於語學問題則以為青年學習語學過甚有傷獨創及論理之能力。嘗謂尼采之偏見。畸行。踰越常軌者。乃學習古典語過多之故。奧匈國民之天才罕見者。以其大部分之精力與時間均消磨於語學之需要耳。氏之日常生活。喜時時轉換其業務。治學倦時。改作繪畫。風琴 (Piano) 胡弓 (Violin) 為其長技。青年時代。兼擅詩曲。蓋事後休息。先時所營。仍留腦際。必改向性質絕不相同之事物。則血液乃移行作用。絕不相同之他部腦髓。前用之部。始獲真正之寧息。其畢生事業。亦一事成功。即改營他事。以資休養。此即應用其精力之第二法則也。說見後。

(二) 幸福公式 去今十年前。阿斯特瓦爾特氏。以裁決仍留萊卜茲。而任大學教授。抑或退居精力別墅。而從事哲學家之生活也。遂證明左方之幸福公式。以自白其經驗。

$$G = E^2 - W^2$$

此公式中之 G 為幸福 (Glück) E 為精力 (Energie) W 為逆境 (Widerwille) 蓋以人生幸福之大。小視其奮發之精力。以為衡欲享受幸福之一日。不可不一日盡力。以勞動欲享受一生之幸福。不可不盡力勞動。以終其生。勞動者獲得幸福之唯一法門也。故無論何人何時。應竭精力之限度。以送其努力奮鬥之生涯。就此公式。更進一步而成左之方程式。

$$G = E^2 - W^2 = (E + W)(E - W)$$

幸福之 G。由精力 E 之加增。其量彌大。而緣此所生逆境之 W。其量亦加大。例如亞歷山大。拿破崙。羅斯

福其人皆精力雄足。而與之反對之勢力亦甚強大。但彼等幸福之全量，究非吾等意想所及。是曰英雄的幸福（Heldengluck.）惟是人間之精力不盡如羅斯福等。而欲效其奮鬥主義之生活，則煩冤痛苦必非一端。於是所生之幸福，全與羅等殊科。守避世禁慾主義之生活，若希臘哲人狄阿貴內斯（Diogenes.）然。印度之「涅槃說」希臘之「斯託亞學派」Stoic. 雅典哲人齊隆（No.）淡泊主義之學派。皆此類也。夫節精力避痛苦，乃雲山隱者之生活，非有為青年之所宜。是曰田舍的幸福（Hirtengluck.）英雄的幸福與田舍的幸福，雖各有其滿足之點，而謂為同等之幸福，則不可也。恰如大小二杯，各注以酒，其滿足也同，其容量則不同。

（二）精力法則。精力論，占阿斯特瓦爾特之學說之重要部分。其師赫克爾以物質（Substanz. 或譯本質。為其哲學之中樞。阿氏則以精力（*Kraft*. 或譯勢力。為其哲學之主腦。精力之法則有二。其一即一八四二年馬耶（*Mayer*）所發明之精力常存說。是也。其說以為無限空間中生起一切現象之精力，其狀態雖有所變更，其總量則常存而無所增減。例如吾人之購求煤炭也，非求其所燃之炭素，乃求其中能燃之精力。煤之燃也，其炭素與酸素化合而為碳酸，加斯散而為烟，他無所有。吾人所用者，乃燃燒之際，炭素與酸素化合所生之熱而已。以此熱力故，至令鍋內之水化而為蒸氣，水蒸氣之膨脹力異常強大。於是發熱精力一變而為膨脹精力。以此膨脹力故，至令蒸氣機關行動。於是膨脹精力又變而為運動精力。用此力以轉動發電機，則運動精力又變而為電氣精力。傳電燃燈，則電氣精力又變為發光精力。以電行車，則電氣精力再轉而為運動精力。自發熱至此，精力之狀態已經過種種變化，而其為力之量，精密計算之，曾

不稍有增減。此即常存之說。精力之第一法則也。然則宇宙間之精力，既常存而無所增減，而以何原因，忽有此良否盛衰萬有不齊之現象耶？欲解答此疑問，則不得不求諸精力之第二法則，即阿斯特瓦爾特之精力低行說是也。其說乃謂精力之爲物，平行如水，無物激之時，有由高就下之勢，低行抵於水平，遂靜止而失其作用矣。故引水灌遠，必取源於高處，欲轉動水車，而以水平之水，其必不得水力之效用，復何待言？水之精力，一度效用，則如量低下，復抵水平，此自然之勢也。其他精力之作用，悉無異於是一切精力，莫不由高就低，以保其水平性。精力而不在水平以上，決未有能利用之理由。宇宙者，精力大流之總和也。人間文野之差，乃以酌此大流之淺深爲標準耳。例如初民始知用棒，是爲文明開發之第一步。因用棒以延長身體之精力，在徒手者之精力水平以上也。次知投石，則文明開發又進一步。因石能致遠，視用棒者之身體精力更增高度也。又其次則發明弓矢舟車，文明更進一步。因其人身體精力之擴充，又在投石者之精力水平以上也。迨近世蒸氣機械、電報、電話、飛機、潛艇之發明，而文明大進。人間精力之伸張，遠在古人之精力水平以上。此皆利用宇宙間自然常存之精力，而不任其廢置，低行故也。今日之世界，非文明的行動，尙有多事。如國際戰爭及社會中各階級之衝突，此皆作爲無益精力低行之量，尙屬廣大。故講求利用精力之法，關係於世界文明，至爲緊要矣。此第二法則，影響於哲學、社會學者至鉅。且視第一法則之精力常存說爲優勝。蓋前世紀爲純粹科學時代，盛行宇宙機械之說，乃以第一法則爲哲學之根基。生物學者赫克爾教授，集其大成。二十世紀將爲哲理的科學時代，化學者阿斯特瓦爾特氏，導其先河。置重第二法則，說明生命及社會之現象，且以爲未來之預言。法蘭西之數學者

柏格森氏與之同聲相應。非難前世紀之宇宙人生機械說。肯定人間意志之自由。以「創造進化論」爲天下倡。此歐洲最近之恩潮也。機械說謂世界之要素二。曰物質。曰運動。萬物皆成於原子。原子不可分。而有永久存在性。各原子於一定之時間。以一定之速度。向一定之方向而進行。以此推論。假令各原子遽然中止。且以同前之速度。逆行其進路。則萬象悉返前境。將見死者因其白肯。鬼雄起立戰場。敗落之果。飛上枝頭。已燃之灰。復返爲木。世界歷史。均次第舊幕重開。此理論將不爲機械論者所非難。而亦物理學所容許。然爲自然界人事界之所必無。彼懷古篤舊者。正不必耽此迷夢也。是以第一法則。雖爲一種不可破之定理。必待第二法則以補其缺憾。生物界之吾人。允當努力。以趨無窮向上之途。時時創造。時時進化。突飛猛進。以遏精力之低行。不可誤解機械說。及因果律。以自畫也。

(四) 效率論 所謂理想的機械者。科學家之恆言也。今世之機械。頗近於理想。而猶未至。由來機械之目的。乃以一種之動作。變生他種之動作。是也。理想的機械。最重此義。倘所呈效果。無加於吾人自力之所爲。則無機械之必要矣。例如植物爲自體生存計。直接受日光之精力。與作用人類及其他動物。未能直接應用太陽之精力。不得不假植物間接以取其由太陽精力所成之食物。因是植物者。不啻爲變更日光發射之精力。而爲食物化學的精力之機械矣。此二種精力之量。吾人得而測量之。盛夏之際。一亞克^{Aker}德國面積名。合英國四八四〇方碼。之地。所受日光幾何。測其熱度而知之。所生之植物。其包含之精力分量幾何。燃燒之而測其熱度亦知之。就二者精密比較。其結果殊可驚異。蓋植物體中所貯之精力。較所受日光之精力。每不及百分之一。雖其生活作用。不無消費。而大部分有用之精力。付之廢棄。可斷言也。然則植物者。

可謂爲極不完全之機械矣。惟其可取之點，乃在植物獨力生成，不假人助而收穫耳。加以人工，固生產增額。適度耕作之地，較諸天然荒原與夫原始時代之森林，所獲自增數倍。然人工備至之地，即極盛之花園，所含藏之精力，較其受諸日光之分量，亦相差甚遠。所受精力與所生精力之比例，以術語言之，是曰效率。植物之效率最低，以其不能利用所受之精力也。效率最高者，莫如近世之發電機。其所生之電氣精力，較所受之機械精力，僅少百分之五。效率之說，本取日常語言，應用於科學，毋寧謂爲「善之權衡」(Güterverhältnis)尤覺適當。例如評判豆或麥之善惡，可比量一亞克之產額多寡而知之。又若發電機，其不能利用精力至百分之九五者，則謂之惡發電機矣。道德上善惡之定論，亦同此理。蓋世事萬端，無一不與精力之變化相關聯。道德之事，非在例外，惟是依第一法則，精力決無消亡之理。而機械不良，未能變原料精力爲等量之有用精力，其效率遂至不齊，亦係顯然之事實。斯二說似有不可調和之疑問。然第二法則已足解答此疑問。欲求效率之高，惟在善于利用精力，不令低行已耳。非第一法則之有何謬誤也。且發電機所呈之效率，雖只百之九五，而其他五分，決非消滅，乃一部分因磨擦而變熱，一部分因電線之抵抗，化而爲電流，即如植物所利用之太陽精力，雖只百分之一，其餘九十九分之熱，仍存宇宙間，未嘗絲毫消滅。祇以機械之良否，不齊，遏制精力低行之程度，有強弱。斯所呈之效率，有高低，非精力之本身有所生滅增減也。有如貨幣，由甲地滙至乙地，其損失之部分，乃爲滙費而非貨幣之自身。匯兌機關之美惡，非以滙費損失之多寡決之乎。此亦效率高，低可判斷道德上善惡之一證也。夫機械之不完全，爲精力效率低下之重大原因，吾人可目爲定則矣。而尚有一種謬見，不得不辨明者，即人

工機械之不完全，較天然機械尤甚之說是也。今世人爲機械之巧奪天工者，不一而足。新器發明，猶日進未已。其所不能者，乃吾人頭腦冥頑及熟練不足之罪耳。電氣應用於人生，不過百餘年以來之事。人間生活，已因此生重大之變更。由現在以測將來，其使吾人精力效率之增高，寧有有限度。科學之與產生二果，其一精力之爲物，大効用於人間之生活。又其一則原料精力變爲有用精力之時，其效率必至增加。在昔以亞里斯多德之明哲，亦以爲奴隸制度終無廢棄之理。蓋希臘羅馬之經濟基礎，皆建築於奴隸制度之上。諸大思想家之得以委身學問也，皆奴隸制度之賜。否則一切勞力之事，必躬自爲之。但利用牛馬風水，以供勞役，無假力奴隸之必要。距今千餘年前，既已發見此。豈亞里斯多德所及料。由斯以譚科學智識之增長，人間精力效率之高度，其事至明。人間若不幸無此智識，仍至何時，亦固守愚昧劣等之生活狀態。以終吾人。在此種生活狀態期間，尙有何等倫理道德之可言乎。古之人胼手胝足，揮汗如雨。今之人勞力極微，惟聚精凝神，安坐以操配電盤與推進機而已。使人間之勞動，不同於牛馬。科學之功用，自倫理上觀之，亦自偉大。更試就宗教言之，世非仰望基督爲持人類和平之使命而來耶。然歷史上所生結果，不幸全與之相反。近代之人，對於和平論之倫理的價值，有所懷疑。視古人加甚。今日頗有從事世界之和平運動者。按諸倍爾賞金，亦獎勵此種事業。印度達鳴爾之獲，即以其有功於世界之和平運動。非以其文學也。與其謂爲影響於基督之和平教訓，寧謂爲戒於戰爭及戰爭準備，浪費巨量精力之故。若工藝若倫理道德，阿斯特瓦爾特氏皆以「精力的命令」爲貫徹吾人生涯全體之統治權。惟是精力之變更及其效率之增加也，將何道之由耶。白是在積極以求機械之改良，消極則以「勿爲浪費精力之事」爲格言。猶之經濟學家恆以「不生

產之消費』爲大戒也。經濟學貴在以較少之時間與精力獲較多之生產物。阿斯特瓦爾特之著書中亦恆有曰『汝之勞動務以極少量原料精力之損失以成高尚有用之精力』

按自蒸氣機關發明以來。人間時間之節省及精力効率之增加。已屬不可思議。而近日歐美諸人節省時間與精力之法。日異月新。無微不至。例如作書之字母。依聲連書。已稱便利矣。而尙嫌於每字結束之後。另於上加橫。i 上加點。廢時耗力。且欲去之。以視吾東洋使用象形文字之民族。其文明進化。一時如何可及。

歐洲飛機陣中之中國青年

記者

此次歐洲大戰爭，爲曠古未有之奇。法德兩軍之義勇，均爲吾人所服膺。其神勇駭世者，又莫空中飛機戰若。不圖此曠古未有神勇駭世之飛機陣中，竟有吾東方病夫國之青年勇士堂堂出現。此國人所應浮一大白者也。其人爲誰，卽上海朱允章君是也。君字斌候，一號迎生，西名愛天尼。現年三十有二，爲東



朱允章君肖像

方匯理銀行經理朱志堯先生之二公子。先生所創辦之求新廠，在上海市。規模宏大，能製造輪船火車機器，以民力成此大業，誠國中之鳳毛麟角矣。愛天尼君幼時授業於徐匯公學，年十四卽赴法蘭西留學。入列里機械學校，習機械工程學。五年畢業。一九〇三年歸國，助乃父辦理求新廠工事。經營十載於摩托車、摩托船及各種機器，多所改良。因見年來歐洲飛行學術日益發達，心爲之動。乃於一九一三年卽民國二年復赴法國游學。入巴黎附近慕連地方之航空學校及微拉庫柏來飛機廠，習駕駛飛機之學。以優等畢業。歐戰起，乃義法蘭西軍而投効作義勇兵。經法政府許可，編入飛行軍團充軍曹。法軍凡偵察敵情之飛機，必別以飛機保護之。朱君所任卽爲此保護飛機隊。曾擊落德國飛機二架。某次獨與德國飛機四架激戰，彈丸之掠機而過者三十餘

枚。衣雖洞穿數處，僅臂間略受微傷而已。本年二月間，以偵察敵軍行動，歸途為敵軍六飛機所環攻，幾遭不測。兩翼已傷，乃降於地。法政府授以勳章，并宣示全國，以嘉其勇。近又由法軍司令部，向法政府提請擬升為少尉之職，并將其功蹟登入法國國民軍官報，以示全體法軍曰：朱君迎生者，中華民國上海人也。其父在中國，素為社會所重。對於法國友誼亦篤。前將其幼子二人，送之法國，俾受教育。朱君當歐洲宣戰之時，仍留法國，學習飛行之術。以個人志願，投効法軍，充任為軍事飛行團員。其學術資格，與法國各飛行家相等。而勇敢靈敏，忠誠亦堪并駕。朱君幼受教育甚深，人格頗高，尚武之精神，亦極充滿。令人可佩。以其屢立功績，足以膺受法國將校之職。近因在飛行團中，屢建奇勳，已二次登入官報，指示與全法蘭西飛行團云：嗚乎，吾國飛行家中，若朱君之好勇善戰，學行又足多視彼，以飛機為遊戲，獻技者，更可敬萬萬也。

青年英文叢書

全書十編現出六編

難字變例逐次說明

選取英美名家著作

所收皆奇有趣之文

漢文譯述詳加註釋

課外研求最助記憶

羣益書社
上海行

再論工具

吳稚暉

余居英時，重感歐洲人職工思想之發達。前日爲青年與工具文一首，略罄積想。隨便填塗，得就商權於我國高尚之青年。不勝欣幸。今果承陳先生蓬心急表同意，且欲提議要求商廠製造廉價出售，廣惠青年。聞之更爲氣壯。陳先生欲詳叩刨床鑽臺鋸座等之形製，愚當時隨便舉此三品，因此三品爲機械工作最有能力之器具，且皆爲東方人看作工廠機件，不以爲青年家庭玩弄之物，故特舉例於文中，將藉以見西國青年之自修室，往往備有工廠器械，其實青年所玩弄，與真正工廠之所具備者，固尙有間也。（若上海小工作店所用者，往往不及西國青年家庭自修室之所用也。）推而至於極盛，而德國則尋常車夫家皆有「工場」(Work Shop)「工場」之意，則裝備更完，非如英國青年家庭自修室中之尙多苟簡。故吾前文曾言戰事發生以後，英人尙有自譏其國之荒陋者，無論得稱爲「工場」，固以刨床鑽臺鋸座等爲其間主要之品物，然其適於手頭，日日不可離之小件，以對木工金工，如老虎鉗，如手鑽，如手鉗，如刨，如鑿，如種種量尺等，應備之品物尙多，即尋常西國青年家庭自備室中，備如刨床等者，皆在成童以後（自亦有少數偏嗜文學等而不備者）若手鑽手鉗等等，則在兒童時代，早已爭購，父兄親友亦以此爲玩具中之適用贈品，一部十七史，從何處說起，傷心於我國幼稚之狀態，及寒儉之生活，計其初步，且可喜五金店之逐年興盛，姑先各購手鑽手鑿等之小件，無端而斷木斬金，結成嗜好，且惹起工匠之興味，附加於我國紳士子弟之習慣中，稱詩述禮，與修凳鋸桌，備於一人之身，自結青年之善果，苟其

有力者竟問鼎於刨床鑽臺鋸座之類。自愈信私願。惟吾前文之所舉例。固未有以爲一切奢望。皆可包括於刨床鑽臺鋸座之三者。即青年自修室中工具之能事已完。彼三物者。不倫不類。隨舉其要。以實文料而已。惟彼三物。如姑以萬能之廣義評判。暫相假借。亦實無愧。所以陳先生既就三者而欲先以形製說明。愚謹當略答一二。惟圖形則不及製板。姑缺之實爲憾事。

刨床者。西名 *Lathe*。舊時有名刮鐵床者。有名車床者。有名旋床者。大約以旋床之名爲最當。前文倉卒名之爲刨床。偶偏想於刮使外光之功用。因其未有定名。行文時隨便填舉一名。後頗以爲不安。因如刨木刮去平面皮層功用之具。實另有刨床專器。西名 *Planing Machine*。前文意不謂彼。故今當改名旋床。中國旋床之製。則有旋木之車床。旋製桌凳圓足之類。想亦有之甚古。西方今日之刮鐵旋床。爲工具之大王者。其機件自然遠繁細。其原理則同。此器大至巨廠。小至青年自修室。凡欲以機器產生機器。皆有不可須臾離之狀況。且面目屢變。其構造之原理。終不出於一旋床。旋床之功能。能刮能鑽能鑿。能刨能鋸。即前文所舉三物。而鑽臺鋸座。亦可以旋床爲代用。上海大小工作之刮鐵店。所在皆有。其中皆有一二旋床。旋床之品質。似甚多。出於中國之仿造。或竟有即爲商務印書館所造者。亦未可定。其上所含機件。粗細至不同。中國價值。余未深悉。若西方青年玩弄之旋床。其粗者約價三四十元。精者百元。亦有價至二三百元者。

鑽臺西名 *Drilling Machine*。今凡上海工作之刮鐵店。吾之所見大小皆有一具。即南京路之銅器店等亦有之。鑽用輪機。在寸厚之鐵板。開一徑寸巨孔。一二十分時即可完事。其小者購自五金店。約十元。

以內。西方青年之精良自修室。則有備三四十元一具者。聰巧子弟貧不能得旋床。即以鑽臺轉變代用。頗能適合數事。

鋸座者。西名 Saw Bench。用機械動作者。大都爲圓鋸。此則特別工作所急要。尋常青年之自修室。備有手鋸外。每借旋床代用。卽上海工作店。備此物者亦少。其價最簡單者止五六元。

前文所舉三品。固不過隨便舉例。以實文料。非有以爲必備之品。審量次第。而特別叙列也。今欲購求工具於上海。除旋床必特別訂購外。餘則頗可隨便得之。於較大之五金店。陳先生之意。欲商務印書館之周先生厚坤等者。自行製造。以適於我國青年之購求。鄙意十分贊同。不惟可以利不外溢。且此等青年工具之玩弄習慣。所以造成者。西國全賴有此種專門書報。與供給此種品物之專門製造所。兩相促進也。周先生必有興會以答我輩之希望。或者彼正從事着手之矣。亦未可知也。余則一物不知。僅有一種強烈之感想。無可切實提倡。甚憾事也。

國發學之光輝

經學史講義

善化 皮錫瑞著

鹿門先生遺稿

精裝一冊 大洋五角

皮鹿門先生著。內容分經學開闢時代。經學流傳時代。經學昌明時代。經學極盛時代。經學中衰時代。經學分立時代。經學統一時代。經學變古時代。經學積衰時代。經學復盛時代。十期。先生為近世經學大師。平生著述甚多。然皆宏篇鉅製。義理深湛。非普通名流。不易窺覽。是本乃先生掌教湖南城南師範學堂時講義之作。自上古迄於近今。數千年經學之變遷得失。闡述靡遺。立論執中。無門戶之見。文字淵懿。典雅易於領會。學校中講經之書。此為最善本矣。

羣益書社

印行

上海

青島茹痛記

淮陰釣叟

嗚呼。居留青島而不動愛國之思者。其人必寡廉而鮮恥。視察山東之革命而不抱亡國之憂者。其人必麻木而不仁。余敢放膽言曰。設使吾國國民之境遇。皆如青島之華民。則吾中國謂之不亡不可得也。使中國之護國軍。皆如山東之民軍。則吾人此次之革命。實造地獄之惡業。余爲此言。非有所嫌怨於山東之民軍。亦非故爲危辭。以聳國人之聽。涉魯而月。肝膽俱裂。聞見閱歷。備極苦痛。如鏗在喉。不吐不快。用是奮筆作記。詔告國人。天職所在。固惜遑世。雖匕首在胸。鎗彈貫項。所不計也。

袁氏死後。大局似有漸趨謐平之象。適有友人邀作青島之遊。余卽欣然從之。遂束裝於六月二十四日晚。卽停泊上海之海軍第一艦隊加入護國軍之前夕。乘十二番小野丸。小野丸者。日本運貨船也。船極小。艙內搭客過多。天氣又極炎熱。余偕二三友人在艙船甲板上乘涼。忽一少年日本船員來與余語。問余何往。余答曰。青島。該船員曰。民黨乎。余曰。唯。該船員忽大言曰。青島現已爲我日本所有。余驟聞之下。覺六根震動。髮指眦裂。於是極力鎮靜。轉變顏色。微哂曰。暫尙不敢必。該船員若有不豫色。然復大聲曰。君愛德國人乎。余曰。余不愛德國人。亦不愛汝日本人。所愛者惟吾中國人耳。該船員唯唯而去。若此日。本人稍有知識。當不至以是等無禮之語相加。然亦可以覘其國民心理矣。可懼可懼。次日早啓行。越兩日抵青島。登岸時。備受日人所募華警種種侮辱。種種留難。余友朱君。言語稍有不慎。卽被該華警用力扭出。幾遭不測。迨余用英語與稽查之憲兵長。說明初來是地理理由。始克放行。輾轉達廬。到廬後。既晤先

余而來之諸友。備詢魯省革命真象。及某國對我之方針與行動。自斯以後。至離青之一月間。皆爲余遊覽視察之生涯。亦極快意。亦極傷心。試分節述之。

(一)山東與中國全部之關係

山東東臨黃渤。膠濟路線。西達濟南。津浦鐵路。貫通南北運河。昔擅漕挽之便。魚鹽夙稱富饒之利。北擁國都。南制長江。其面積五五九八四方哩。其人口三千八百餘萬。物產豐富。地方殷實。人民純樸。公勇耐勞。得賢者整飭民政。教養生聚。十年之間。足支一國。得甲數萬。可定中原。且齊魯雄風遠表。聖哲間出。二千餘年文化所自出。其關係吾國。顧不重哉。

(二)青島在中國海軍上之地位

慨自甲午敗衄而後。門戶洞開。吾國良好港灣。如旅順。如威海。如膠灣。先後拱手授諸外人。所尙保存者。福建之廈門。浙江之象山數港耳。其中最良好之軍港。莫如旅順。象山。威海。膠州灣。然旅順出口太狹。大軍艦不能並駛出入。且無外灣。象山港在舟山列島之內。以小島星羅棋布。泥沙縱橫。淤淺甚多。不利於防守。又難於通行。威海無外港。惟膠州灣。內灣面積不下二百方里。可容大部軍艦。又有外港。且有定風。島可避風潮。而固防禦。水深口闊。便於通行。內外環抱。形勢天成。真吾國第一好軍港也。試述德人經營此島之歷史。可以占關係吾國海軍之重要。德人之經營是島。不外二大目的。(一)以是爲德國東洋艦隊之停泊所。與東洋之軍事根據地。(二)以是爲東洋貿易之中心。造成第二香港。於是爲其第一目的。故建築兵營。屯駐軍隊。配置軍艦。堅築要塞。設備東洋造船廠。海軍兵工廠等。茲就其要塞防禦言之。而

次及其市政。

(甲)德人之要塞、堡壘及本防禦線之設施。德人之要塞築城全係暗砲台。(中國無此物)砲皆曲射式。(中國亦無此物)口徑多自二十四生的至三十生的。砲台將山鑿空，由底至巔，中架一鐵梯，上蓋一極大且厚鋼鍋，遠望恰如山頂。鍋四圍皆鑲暗光鏡，可以旋轉四望，觀察海陸兩方敵人。大砲安放山後，於山頂後方稍偏處置人，一持標桿正對遠來敵艦，復於山腰置人，一持標桿直對前桿，砲手即依此瞄準，假設方向，然後用三角法加減角度，定準正式方向，再由山頂中心觀測所測準距離，報告砲手對準表尺，試放一砲，再事修正，即可命中。砲彈可直由山頂飛越而下。至於要塞之內，設施異常完備，如官長室、如兵房、傷兵療治所，最下一層為彈藥庫，均用塞門德土築成，內設電燈，異常堅固，而交通路全係凹式，敵人莫由測望。此種砲台為吾國軍事家所未嘗見。如吳淞、如江陰，皆係露天砲台，更無曲射大砲。此專就海正面言之也。至陸正面距要塞約兩千密達之地，自東海面至西海面，設有堡壘甚多，大致兩堡壘之間隔不出五百密達，蓋以兩堡壘步鎗最有效距離為標準。兩堡之間復築短牆，遮蔽敵彈，以為側防之地，藉補兩堡壘之不足。每堡可容兵士一連，其交通路亦係暗道，甚為寬大。每堡又分三段，每段築一可容兵士一排之兵濠，兵濠後方有二生的寬之背牆，為預防本軍流彈之用。前面上方有掩蓋體，稍低有胸牆，掩蓋體以防敵彈，胸牆以架鎗射擊。其外面均設緞裝物，係用彩色畫成，或如花紋石，或如青草矮樹，遠望不辨其真贗也。所有牆蓋皆用塞門德土築成，中架約半生的直徑之鋼條，外復

封以塞門德土。砲彈中時亦不崩摧。其堅可知。每濠之右築一瞭望所。其形較掩蔽體稍高。

各砲台以伊爾奇斯砲台設防最完。建築極堅。其次則畢士馬克砲台。毛奇砲台。當時德軍共有重砲一百餘尊。野砲八十餘尊。由軍艦取上之小口徑砲二十餘尊。

德人於青島海陸兩面布設水漢雷。異常之多。陸面英日兩軍大受損失。海面則因德人於潮水漲落稍欠研究。故潮落時水雷皆爲日軍發現。將其爆發電繩割斷。全功盡棄云。

自東海面浮山所至西海面海泊河。距各堡前面約五六百米達之地。突然凹下。徧設鋼絲網。網柱均鋼製。此亦中國陸軍學家所未見也。橫寬約七米達。共十六層。敵兵至此如臨深谷。欲進不得。其鋼絲網前面高地(即敵人突進之方向)均用白油漆書號碼。以便黑夜施放砲火之標準。並據土人云。此處發現漢雷甚多。當係青島陷落以後事也。

以上關於德國要塞之建築及砲械之配備與防禦工事各節。均係借至友朱甘陳劉諸君往遊諸君爲我述之。余於軍旅之事未嘗學問也。當記者與諸君往遊伊爾奇斯砲台時。禁令森嚴。不准窺探。甘朱劉三君冒險前往。探入虎穴。故能悉其秘密。迨後記者再往遊各要塞堡壘。禁令已撤。各內部重要機關均已炸毀或撤去。不可復識。歎青島一彈丸東出之半島耳。德人之所經營處處爲百年設計。絕無蕞爾小邦之態。真可敬也。

至於青島市街。自有一種清潔莊嚴氣象。建築房屋則有一定之間隔。修造馬路則有一定之距離。崇實除華。返純還樸。日本之東京。長崎。橫濱等處。其清潔髣髴似之。而無其莊嚴。無其純樸。其

堅固更無論矣。至於吾國之上海，視之殆東施之與西施耳。更有數事，足以令人起敬者：（一）鐵路軌過枕木，他國均用堅木，德人獨以鐵製。（二）上海各處糞除之法，惟以人力及車，穢臭撲鼻，大礙衛生。青島則用水刷制，廁所下穴鐵筒，直達海面，排除穢物，僅用自來水，既省人工，又益清潔。聞香港亦用此法。（三）德人在內港造一大堤，爲軍艦之屏蔽，長約五千米，達，耗費六千餘萬。（四）德人既預備建造一大海軍兵工廠於東洋，故先造一浮船渠，需費亦在五六千萬左右。據云東洋之大浮船渠，惟有此耳。今歲七月間，已爲日人運回本國，作戰利品矣。

（乙）日軍攻擊之大概 日本當歐洲發生之始，即假英日同盟之名，復稱維持東亞和平之義，與孤懸數萬里之數千德人爭一旦之命，其勇敢固足嘉尚。然青島海面設防異常堅固，日人海軍之力，實不能速奏克捷之功，故不得不假道於我國之山東，由陸正面進攻。一則避海軍之損傷，一則因日軍以十萬之衆，攻此不滿三千堪戰之德兵，且青島陸面防禦亦較海面稍遜一籌，容易進攻。然使中國如比利時嚴守中立，整我師旅，以距疆鄰之虞，藐視我，則日軍雖多且勇，斷難如願以償。而袁世凱帝夢方酣，神氣已昏，劃分戰線，任人踐踏。於是日本陸軍遂長驅直入，海軍僅用以封鎖港口，注其全力於陸地。陸地方面之德軍防禦線過長，守兵不敷分布，且其要塞又係半永久築城者多。日軍數十倍之師，又輔之英印之兵，宜其不能支也。然彼數千遠在天末之日耳曼人，以寡抗衆，雖在敵國，猶當起敬。況吾中立國之人民乎。

日軍陸方面之攻城砲，至大者十三吋半口徑（日本昔年攻旅順，係用十一吋口徑大砲）海

方面之攻城砲，自十五生的至三十生的口徑。其攻擊前進程序，未能詳細調查，殊爲憾事。惟德人以兵少故，第一第二兩防禦線，均無頑強抵抗，亦無重要戰迹可言。所略可道者，僅青島市外之總攻擊耳。德人防禦線既分二層，首沙袋，次鐵網，又掘深濠，實以海水，出入止一門，伏設地雷甚衆。日軍欲由此強行攻擊，非數月不可，且須重大之犧牲。遂於距德本防禦線四十里，掘深濠，避砲火，進攻成半圓形，節節前進，均挖暗濠，並交通濠，濠深約一米，達五十生的。故自民國三年八月二十三日最後通牒滿限，直至十月三十一日，始行總攻擊。是日也，日英聯軍，轟擊俾斯馬克伊爾奇斯兩砲台，重創之。十一月四日，猛攻設防最堅之伊爾奇斯砲台，全行擊燬。六日佔領一四、五高地，及澎湖街（譯音）之堡壘，與德兵相距僅三百米達。於是開鑿坑道，接近德壘。七日佔領中央堡壘。日軍左翼佔領小港山北，及台東鎮堡壘，復攻下毛奇俾斯馬克及伊爾奇斯各堡壘。旋即佔據毛奇俾斯馬克及伊爾奇斯各砲台。德軍遂降。據云德人本擬學田橫五百，誓殉孤島。因接有德皇命令，謂青島孤懸海隅，本無存理，如不能戰，儘可便宜行事，以惜將士，再圖後舉云云。故旋即交涉開城條件。此徵之當日記載，及青島土人之言，而可信也。

國外大事記

記者

▲日俄新協約之秘密

日俄協約之成也。日本朝野。視為莫大慶幸。願其發表之約文。雖至富於伸縮力。究不見有十分可喜之處。於是另有密約之說。乃浮於世人腦海。而真相迄不易明。本月初旬。德華日報轉載英文週報所揭密約條文。至有研究之值。其要點大略如左。(一)日本力助俄國使占亞洲中部之優勢。如俄國欲出印度洋而不得。可乞助於日本。(二)日本得握西伯利亞內地之商權。現在西伯利亞內地商業。全在德人手中。今後俄國准予日商以便宜。俾排擠德商於亞洲俄國之外。(三)俄國在外蒙。有須用軍事上之援助時。日本必隨俄國所欲。助以各種軍事。(四)俄日兩國。在北京用一致之政策。以毀滅在遠東與亞洲之英國一切權勢為目的。(五)設今後俄國欲謀侵襲英屬印度。或中亞時。日本應竭力援助俄國。(六)日本在西太平洋。凡有所關。俄國亦當視為必要。援助日本。設日本須用海參威時。俄國即開放為日本海軍根據地。(七)日俄兩國。當併力防禦美國在北京之政策。或英國努力之襲擊。及其他任何國之妨害日俄外交者。(八)英日同盟之約期。

國外大事記

滿後。不得續訂。(二)俄日兩國。當合力屏除美國於西太平洋之外。(三)俄國承認日本在中國之領袖位置。而日俄兩國。併力對待謀佔中國領土之第三國。(四)俄國援助日本。締結中國政府之借款。(五)俄國如在歐洲與他一強國作戰時。日本當力助之。供給財武裝等軍需品。日本在亞東與他國開戰時。俄國亦出同等之助力。(六)俄日兩國。以使印度恢復自由。為維持遠東和平所必需。當合力圖之。(七)俄日兩國。合設一俄日銀行。以促進兩國之財政。與商業關係。(八)凡關於中國政治財政等種種問題。俄國當按照日本之決斷而行。不得獨特異議。並助日本實行一切遠東政策。

此約大旨。可簡單述之曰。日俄兩國。相約以中華民國為日本之勢力範圍。中部亞細亞為俄國之勢力範圍。印度為日俄共同之勢力範圍。在此範圍內。有權利關係之國家。須併力排除。以去而英美及其他國家。均同時受絕大之影響。不獨直接關係吾國存亡已也。嗚呼。此事若實。不可謂非二十世紀外交史上最大之新局面矣。

▲日本三政黨之合併與內閣更迭

政黨合併。比較之永久之事也。內閣更迭。行一時的事態。而今番

日本之併黨與易閣。實有連帶關係。故併述於次。

日本政界。前此併存之黨凡五。(一)政友會。(二)國民黨。(三)同志會。(四)中正會。(五)公友俱樂部。政友會接近於官僚。即大隈前任山本內閣之基礎。山本既倒。大隈得國民同志。中正三黨之擁護。組織後繼內閣。國民黨因事不滿於大隈。中道離阻。其始終為大隈與黨者。惟同志會及中正會。其公友俱樂部。乃大隈內閣成立後發生之新黨。由大隈之親信組成。初名隈伯後援會者是也。故大隈當國。以政友會為惟一之新黨。而自己與黨。則併同志。中正。公友而三。已占議會之多數。(議員通計百九十七名)國民黨則若即若離。未嘗左右袒。此朝野五黨趨向之一斑也。

大隈內閣成立。全以政黨為基。中間雖屢瀕危殆。卒以歐戰發生。與中日交涉之故。延長運命。至二年有半。而政黨政治之旗幟。又為多數人士所歡迎。大隈乃利用此機。善厚植黨勢之計。畫惟元老方面。始終不嫌於政黨政治。大隈以種種關係。不能不對貴族院允許於本年內。得適當時機。交代政權之約。所謂「適當時機」云云。殆即有新黨完成。安然接受政權之豫計。惜時機尙未十分成熟。元老方面。寺內內閣之呼聲甚高。寺內正毅者。純粹武人。與政黨素無關係者也。大隈辭職之先。願應事勢。與寺內開聯合內

閣之交涉。欲以同志會首領加藤高明。與寺內攜手。惜為寺內所拒。大隈乃一面促新黨之成立。大行動賞。藉結黨員歡心。元老以濫賞為由。指摘隈閣益急。九月下旬。與黨三派。合組新黨之議。完全妥協。大隈乃於十月四日。連合閣員全體。親捧辭呈。同時奏荐新黨首領加藤高明。組織後繼內閣。開日本政界未有之創例。其辭職奏章曰。

大正三年臣拜受大命。定政綱。樹政策。拮据經營。以冀勉副聖旨……惟臣老軀羸弱。誠難稱職。不可長踞要津。以塞賢路。伏思子爵加藤高明。既為練達幹明之士。且久得世之重望。伏冀陛下垂憐。准臣解任。拔擢高明。為臣後繼。倘蒙恩命。高明必能致其匪躬之節。於政務亦不受異動。此臣所可深信也……

奏上。元老山縣。松方。大山。西園寺諸勳爵。立開元老會議。不願大隈。奏荐認定繼任首相。無必推多數黨首領之必要。更無由交首相推荐之必要。逕行推荐寺內伯爵。詔下。寺內拜受大命。閱五日而新內閣告成。其組織人員如次。

總理大臣兼大藏大臣伯爵寺內正毅

外務大臣子爵本野一郎

內務大臣男爵後藤新平

陸軍大臣(留任)陸軍中將大島健一

海軍大臣(留任)海軍大將加藤友三郎

文部大臣岡田平良

司法大臣松室致

農商務大臣仲小路廉

遞信大臣男爵田健次郎

觀此則知日本政治上之元老勢力實至可驚。雖挾議會絕對多數黨之勢力。不足遂其一盼也。當元老奏荐寺內之時。曾晤加藤。表明無排斥加藤之意。惟以其為政黨首領。有黨有敵。不宜於歐戰將終之際。故不許同志會繼大隈內閣。亦不許政友會國民黨。當此困難之衝。而以不黨之寺內正毅。承受大命云云。授諸英法先例。未嘗無一面之理由。然而三派合同之新政黨。遭此打擊。痛楚自不待言。同志會在京議員。當日即在日比谷公園大松閣集會。為「吾人對於違反憲政常道之內閣。極力反對」之決議。大隈反對黨之政友會。亦開院外團幹事會。為「不以政黨為基礎之超然內閣。絕對反對」之決議。記者俱樂部。亦顯其攻擊山本內閣之面目。宣言「違反多數國民意志之閣族官僚。再出現於

政治局面。吾人極力反對。」東京政治記者團於四五兩日連開會議。決定「今後排閣方針」。國民黨首領犬養毅。謂「寺內內閣成立為憲政之逆轉」。反對氣勢。彌漫東瀛。今後運命如何。未易料也。

同志中正。公友合同之新政黨。以大隈為中堅。原定計畫。必一年以內維持政權。以培新黨實力。而大隈則表面退隱。實際為新黨之監護人。故有擁護加藤使繼任內閣之必要。迫於元老反對。乃推荐寺內。而為附帶條件之移交。即要求會同加藤組織聯合內閣。是也。交涉之際。雖有關於政策之詢問。寺內回答。大隈亦大致贊同。惟與加藤聯合。則寺內以不欲厚此薄彼為由。斷然拒絕。而大隈亦打消交代之協議。不顧元老意旨。斷然促成新黨。推荐加藤。故大隈之推荐加藤。為新黨謀也。其組織新黨。又為加藤內閣計也。因果循環。開元老國民間之大劇戰。誠東洋政治進化之大關鍵也。

寺內內閣成立。三派合同之新政黨。亦於十月十日開成立大會。其定名為憲政會。發布左列之政綱。

- (一) 表彰皇室中心主義
- (二) 推擴開國進取之國是
- (三) 尊重天皇大權。發明大臣責任。以圖立憲政治之圓滿。

(四)普及教育啓發立憲的智能 (五)實行改良社會政策 (六)敦厚國際交誼以期有所貢獻於世界和平

(七)完備交通機關振興產業 (八)興理庶政肅清時事 (九)鞏固財政經濟之基礎 (十)應乎國力以樹立國

防計畫

在反對大隈之人。謂加藤內閣不事。新黨實力。必因而衰敗。恐亦淺之乎。量新黨也。今後日本政界。以旗幟鮮明。勢力雄厚之三大黨。鼎足而立。官僚閥族。雖如何頑強。政黨政治之成功。終必不遠。吾輩拭目以觀其後可耳。

▲德意志潛航艇橫斷大西洋

德國建造潛航商船。稱爲「德意志求爾德」號。冒英國海軍之封鎖。橫斷大西洋。而出現於美國之法基尼亞港。經美政府詳悉之查驗。認爲完全商船。經過二旬。聽任採辦貨品。潛回本國。未幾。即有平安抵港之報。誠潛航界翹見之偉業。不能不令人驚絕也。



國內大事記

記者

▲借款交涉

第二次善後大借款。共和復活度支驟漲。政府窮於應付。擬向五國銀團商借第二次善後大借款一萬萬元。以鹽稅餘利作抵。曾經該團允諾。電商各該銀團本部。惟較第一次借款。尙多兩層枝節。即日本欲乘機包攬。德人被擯於銀團之外是也。關於擔保品。亦有另議增加之說。並有擬押常關與地租者。故此項借款。無論如何。關係殊至重要。損失權利無論矣。在銀團方面。亦斷難得其平允。倘有輕重。去取便爲異日爭議之端。以今觀之。恐亦斷難成立也。

美國鐵道借款。袁氏以抗拒義師。需餉至鉅。乃以曹汝霖任交通總長。與美國西姆斯卡來公司。商定借款兩種。一爲政治借款。總額美金一千萬元。一爲鐵道借款。總額美金一萬萬元。此項鐵道借款。即爲政治借款之酬報。故條件極苛。損失甚鉅。其合同曾於五月十七日。雙方簽定。並擬於六月十三日至七月十日。將政治借款。全數交清。袁氏歿。美人以事過情遷。政治借款。遂即取消。而鐵路借款。則以履行前約。要求於新政府。經交通部會商多次。

國內大事記

比較原約。酌加改良。於九月三十日。復行簽字。其條約內容二十餘項。附約亦有十項。茲述其大概如左。

(一) 借款全額爲美金一萬萬元。先付墊款美金一千萬元。

(二) 實收九三年利六釐。五十年歸還。

(三) 以華人爲總辦。工程師機師及會計。由美人充任。

(四) 修築鐵路。計長一千一百英里。共分爲五線。

(甲) 由山西豐鎮至甘肅寧夏。

(乙) 由甘肅寧夏至蘭州。

(丙) 由湖南衡州至廣西南寧。

(丁) 由浙江杭州至溫州。

(戊) 由海南島瓊州至樂會。

(五) 本約經國會通過後。發生效力。

此項條約。吾國政府尙未正式發表。然中外報紙。紛紛登載。俄國公使。即於本月十一日。親赴外交部。提出抗議。謂該約所定之綏遠。寧夏。蘭州。鐵道。有違西歷一八九九年所訂中俄條約之精神。又中國政府。曾與俄國規定。中國如欲修築張家口西北地方鐵道時。應先與俄國協議。今中國政府。未與俄國協議。遽將該地方鐵道。修築權。讓與美國資本家。顯爲不合。云云。日本政府對於此。

事亦已質問數次。而英法二國亦同時提出抗議。法國以蘭州鐵道於比國銀公司承造之海蘭鐵道不無影響為理由。英人則以杭州溫州及衢州南寧兩鐵道侵及英國資本家之優先權為口實。觀此則此項借款無論將來國會是否通過。實際恐不易成立。且大足為日俄密約之試驗場。我人所宜注意者也。

日本興亞公司借款。此項借款為政府國會間屢生紛擾之件。中間屢經波折。迄今尙未告成。未始非國會之功也。茲述其經過如次。

先是內閣初成。窮困萬狀。財政當局乃有善後大借款之提議。適有日人久原氏自稱為興亞公司代表。向政府運動承辦借款。且謂銀行團之大借款。可以獨力幹旋。並可以自力承受八千萬元之大借款。政府急不暇擇。乃與久原氏簽訂合同三紙。光怪離奇。莫可方物。其第一紙六條。規定借款額。數利率。償期等。其款名為實業借款。債額五百萬元。第二紙計二條。係規定中政府與興亞公司合辦湖南水口山礦產。與安徽太平山礦產。又規定如五國銀行團大借款磋商無效。興亞公司可出全力助中國。在日本募集八千萬元之借款。第三紙計五條。規定八千萬元借款不成。則鑛山合辦權作廢。及五百萬小借款之償還期限等。本約發表之

後。國會極端反對。湘省官民反對尤烈。皖省亦繼起應之。政府不得已。乃向該公司磋商改約。除去鑛山採掘權。而易以他種權利。日人乃以收鍊鋼鐵為要求。遂有第二次改訂之契約。約文兩紙。今尙在糾纏中。特分記如左。

(甲)借款契約 (一)借款額日幣五百萬元 (二)年利六釐 (三)償還期限三年半。以制鍊精鍊之利益償還之。有不足時。由中國政府補充 (四)本約須經中國國會議決 (五)本約簽字後。當廢去九月九日之五百萬元借款契約。

(乙)精鍊制鍊契約 (一)設精鍊制鍊工廠於天津 (二)工廠之總辦及其他職員。由中政府選任 (三)工廠所鍊之銅。除供給中國政府之用外。以市價販賣之 (四)中國政府擔任收買制鍊。資本不足時。由久原(興亞公司代表)供給 (五)工廠資本六百萬元。由久原出資 (六)精鍊制鍊之利益。由中日雙方均分 (七)收買制鍊。以六萬噸為限。一年半後。是否繼續。再行協定 (八)契約期內。中國政府不得與他人訂立經營本事業之契約。但官營工廠。不在此限 (九)中國政府。未得久原之同意。不得將本事業

爲其他借款之抵押。

本約發表後。國會方面。又有劇烈之反對。因收錄制錢。獲利極鉅。讓之外人所損不貲。且內地金融。以制錢爲本位。一旦收買淨盡。則生活程度。驟然提高。必至百貨騰貴。民不堪命也。同時上海天津商會。復有自行集資承鍊之請願。而日人代表久原氏。亦離華歸國。前後兩約之成廢。遂懸擱至今。

▲徐州會議之始末

共和再造。國會重開。在一部人士間。頗挾刷新政治之願。然新內閣。尙未完成。遭受蠻橫打擊。神聖尊嚴之國會。且受兇頑威嚇。幾令一線曙光之政海。再籠罩黑霧。中軒然大波。使朝野上下。震撼危疑者。旬月。即自號各省區聯合會之徐州會議是也。

當軍事方面之際。江蘇督軍馮國璋。以別種作用。邀集各省代表。會於南京。張勳倪嗣冲。別有情趣。遂使南京會議。不得結果。更將各省代表。攔集徐州。值袁氏病歿。張倪默察大勢。岌岌自危。乃由張氏提出條件八款。大旨爲結合同志。排斥新黨。不令與聞政事。對於中央政府。執監視態度。各自準備實力。以備攻守同盟等語。各省代表。唯唯聽命。遂於六月九日。通電與會省分。一致遵行。此徐州會議之第一幕也。

約法國會等問題。既經解決。內閣同時改組。與排斥新黨之志願。不無牴牾。廣東之龍濟光。福建之李厚基。江西之李純。處境危殆。亟謀所以自救。湖北王占元。山東張懷芝。奉天張作霖。安徽倪嗣冲。各以國會糾彈。慄慄自懼。先後密使至徐。張以臭味相投。且可挾以自重。乃更廣續前業。定省區聯合會之名稱。而自爲盟主。適帝制禍首梁士詒。段芝貴。陸建章。顧鼐等。先後來函。一致推戴。而龍觀光。謝重光等。又往返乞援。於是使節相望於道。而徐州成一小朝廷矣。

聯盟之議既成。適某要人另有成城團之組織。集合五省。越旨與張勳之聯合略異。張察知其事。嚴電詰責。謂徐州既有各省區聯合會。何得節外生枝。別立門戶。某要人因與張唇齒相關。未便重拂其意。乃自行解散。加入徐州之聯合。尙有獨立之某省。亦因特殊關係。遣使至徐。併原有七省。乃成十三省聯盟之局。而都統護軍使鎮守使。亦間有加入者。此各省區聯合會成分之大概也。省區聯合會。訂有章程十二條。首條揭明「鞏固勢力」之宗旨。而繼以「聯絡國防。擁護中央」八字。次條述設會之目的。謂本會爲防止暴亂分子。私攬政權。而設國會開幕後。倘有與省區爲難者。聯合公討之。再次謂用兵時。推領袖一人爲總指揮。對於領袖認

爲盟主並規定各方面如有謀滅削本會勢力者當協力抵制之亦可謂彰明較著直吐隱衷者矣

聯合之局既定乃首先對於司法總長張耀會爲嚴重之攻擊藉口上海土案牽連連電三次且以漫然同意痛詆國會並謂司法部任命之官吏概不承認張氏忽而辭職爲政府所繫而中央方面復有陰險之野心家利用武人團體以爲排斥新黨之急先鋒蓋其時國務院秘書長徐樹錚與民黨閣員孫洪伊已抵牾多次也張耀會未爲攻擊所動外交總長唐紹儀又由滬赴京就職唐氏乃野心家所視爲民黨魁傑畏之如虎者也遂慫恿倪嗣冲亟召徐州會議其中僞唐氏材料則早有僞造之賣國合同兩紙散佈軍政機關徐州小朝廷遂於九月二十一日開第二次之會議

同月二十六日告終會議結果雖別無驚人舉動而攻擊唐氏實出該會之全力攻擊電文污詞滿紙署名者在會之軍政長官三十三名馮國璋王占元李純雖有代表與會而對於此舉不敢擅行簽字倪嗣冲代爲簽署然後關白本人該電以二十五日到京唐氏辭職之電文亦於次日同達府院而此番會議乃克奏膚功矣

徐州會議閉幕大總統乃於二十九日批允唐氏辭職同時發影

射該會之訓令未嘗指名申斥也其文曰

……有少數之人囿於一偏之見或阻乘集議凌軼範圍或隱庇逋亡託名自固甚且排斥官吏樹植黨援假愛國爲名實召亡之漸……倘能識勢從違尙望翻然自省若仍不顧大局一意孤行國法具存公論胥在本大總統爲捍衛國家計亦不能不籌所以善後也

總統訓令既布段總理對於督軍省長及領兵大員亦分別爲溫和之勸誡及嚴切之禁令而各員覆電除張倪仍強項不屈外大都表示聽從之意今後該會行動或稍知所斂抑乎而外交總長一缺則慮懸至今政府雖以陸徵祥汪大燮先後徵求國會同意並遭排斥也

▲政黨之今昔

壬癸之交政黨運命方盛其最有勢力者爲國民進步兩黨對峙國中其餘共和黨公民黨政友會等雖各標旗幟究與政局無甚輕重癸丑政變國民黨之一部既與當時政府成仇惟身居國會之黨員仍保持其團結同時另有一部與共和黨及進步黨之中堅分子脫離母黨另立民憲黨綱領較近於國民爲進步國民兩黨接近之機以純粹政治結合對抗特殊勢力之事亦即導原於

此未幾國民黨解散。民憲黨無形消滅。碩果僅存之進步黨。亦感免死狗烹之痛。精神上漸底滅亡。而對於國民黨之同情。則與日俱進。甲寅之際。國民黨人機關雜誌「民國」與「正誼」先後對於地方制度。倡導分權之議。且以組織聯邦。交相號召。進步黨之「中華雜誌」絕端表示贊成。惟聯邦之名。而根據國情。研究政權之分集。以另立省治為論題之歸宿。是進國兩黨。蓋已主張一致矣。國體問題發生。國民黨對於袁氏所豫抱之疑念。完全徵實。蓋使國人信國民黨愛國之忱。進國兩黨。乃完全携手。從事護國事業。當此時期。國內只有帝制派與非帝制派之分。竟忘却國民進步舊時之黨界也。

共和復活。國會重開。各黨要人。因事實關係。以不黨號召於衆。蓋其時政局尙屬混沌。共同之敵派。亦未銷除。立憲轉則舊界復明。勢分而力薄也。國會議員。既集都下。無交換意見之機關。議場深感不便。乃有院外幹事會之議。分省選舉幹事。以可連絡感情。交換意見。而謀議案之進行。旋改爲院外談話會。均以少數操縱多數之嫌。歸於消滅。同時一部人士。有宜國俱樂部之組織。事機未熟。亦不果成。蓋其時不黨兩字。雖浮於各人腦中。而反對帝制之大團結。又已隱分兩派。

一派主張恢復舊約法。舊國會。一派否認此主張。護國軍及舊國民黨分子。並進步黨之孫

洪伊濤。並繼前者。梁任公。湯化龍。馮國璋。等。苟無兩派中堅分子。爲適宜之團結。斷難克底於成也。未幾當局諸人。依國民進步兩黨之舊團結。先後於六國飯店。及幾輔先哲祠。開會談話。相約憲法未成以前。不組織政黨。兩次談話。各以融和兩黨舊日感情爲標。不含新組政黨之意。味然實質上。已造成新黨於不自覺。此不可忽視者也。

議員兩次談話之結果。相戒不標黨名。而憲法會議將開。又不可無溝通意見之地。於是主張恢復約法之一派議員。世稱爲國民之孫伯組織憲法商榷會。隸屬此會者。開會組織時。已三百八十餘人。蓋一雄厚有力之團體也。其梁任公。湯化龍一系。則另立法研究同志會。未幾又併合憲法案研究會。易名爲憲法研究會。兩會併合之際。到會議員二百九十三人。差足與商榷會相抗。此外尙有憲法討論會。會員八十餘人。由劉崇佑等爲之主腦。丙辰俱樂部。則脫去憲法之名。仿佛教黨形式。乃舊國民黨系之同盟派。議員所組織者也。最近又有國民系之議員。組織大公俱樂部。而憲法商榷會分子。又標益友社之新名。內部分科辦事。蓋已漸由臨時研究憲法機關。一變而爲固結之政團矣。

憲法研究會。雖無政黨之名。其從事政黨活動。實已多日。徐州二次會議之際。曾開會決定其主張與態度。發布反對軍人干涉政

治及附條件選舉副總統之宣言。則純粹政黨行動。未嘗以憲法為範圍也。至兩院議員提出副總統選舉案。丙辰俱樂部。自以政黨本領。提出陸榮廷為候補當選人。憲法研究會。憲法商權會。憲法討論會。亦各以預選方法。決定候補。此又政黨行動之最著者也。惟其組織分子。則舊日各黨互有分合。變遷如舊。國民黨之同盟。派裂為單獨之丙辰俱樂部。進步黨之孫伯淵系。又與大部國民系為共同之團結。是憲法研究會已非復進步黨之舊觀。憲法商權會亦較舊日國民黨大有增損也。

通信

敬啓者。法蘭西文學協會 Alliance Française 以一千八百八十三年成立於法京巴黎。Paris 專以傳佈法國文學爲宗旨。他國人之有志於法國文學者。受益尤多。駐滬協會設立教授機關於法界霞飛路二百四十七號西童公學內。共分三科。初級中級爲預科。各一年卒業。高級則爲正科。自第二年起。即純用法語教授。學費預科年二十七元。正科三十六元。均分三次預繳。又鑒於中國人生計困難。留學實力有不逮。故凡卒業諸生。學識確優。志趣高尚者。當代爲設法。以便寒素而期文化之普及。清貧有志之士。不至有望洋之嘆。再者。近來所有之法文學校。均爲教會所設。教授均不合格。大半勞敝精神於無用。更無良善之精神教育可言。本學校教授均係受文學協會之攷驗。決無誤人子弟之虞。且法蘭西人素以昌明文化爲天下先。當能見信於邦人君子也。茲當創辦未久。國人未能週知。來學者亦未見發達。將來學生發達之時。當益計劃擴充學制。以副來學者之希望。海內通人碩學。以及青年學子。不吝珠玉。關於本校學制之組織。盡可隨時賜教。有善必納。決不故步自封。敢請大誌將此函每期載入通信欄內之首。以介紹青年諸君之有志學問者。大誌以教育青年爲宗旨。想必樂與介紹也。幸甚幸甚。此啓。

法國文學協會
中國上海支部
法文專修學校一民上

法蘭西人爲世界文明之導師。今之巴黎猶爲科學文藝之淵藪。吾國人而欲探討歐西真正之文明。理應游學彼中。以求真諦。卽無力遠游之士。多讀法蘭西書。視昔日之習英文專爲商業計者。思想界所獲宏益必多。法語知識誠吾學界之所急需也。特揭來函爲國人告。惟每期登載實有未便也。

記者

記者足下。近來世界主義大昌。於是世界語之聲浪廣布五州。竟爲今日世界注目之物。何其盛也。竊世界語爲人造字。係柴孟霍夫博士 Dr. Zamenhof 所發明。原名爲 Esperanto。譯卽希望之意。希望世界大同。人類感情藉此得以融洽也。文言一致。人類智識藉此得以貫通也。夫世界語之文法整齊亦簡單易學。反對者旋以爲不能示高深之學術。斥爲無用之學。其說然乎否耶。質魯如余。豈敢定判。要而言之。凡係新發明一事一物。斷無無用之處。雖無彰明卓著之成績。而習之亦不致有損無益。究竟多得一種學問也。矧乃希望萬國通行之世界語乎。質諸足下。以爲然否。伏祈裁答。 T. M. Cheng 頓首

世界語爲今日人類必要之事業。惟以習慣未成。未能應用於華美無用之文學。而於樸質之科學。未必不能達意也。此復

記者

獨秀先生足下。讀大誌。敬悉先生『最反對悲觀主義』。甚佩甚幸。惟以僕之愚。竊見先生之於悲觀。心雖非之。然以先生識見之高卓。而視普通社會之卑污齷齪。苟安旦夕。自不覺悲觀之念油然而生。此非僕之妄言。試觀先生自謂『僕無狀。執筆本誌將一載。不足動青年毫末之觀聽。』此數語。蓋爲先生悲觀之

念之泉源也。其意若曰：余雖願一意著述，造福青年，無如一般青年之不可教耶？嗟夫先生，此言誤矣。僕以爲無收穫者，必爲未事耕耘之人；必爲未事播種之人。若播種焉，耕耘焉，則收穫之多寡，雖不可必然，必有所收穫無疑。顆粒無收者，欺人語耳，必不可信。即如先生主撰之大誌，出版迄今，僅有八冊。然我青年界所受之影響，已屬不可數計。僕之友人愛讀大誌者甚多，而僕亦即爲拜受先生厚賜之一人。嗟夫，僕敬先生，僕愛先生，僕不能不有所厚望於先生。夫栽培植物，尚須多量之歲月，何況栽培青年？先生既以青年教育爲己任，宜有但事耕耘，不問收穫之決心。勿挾言者諄諄臨者藐藐之成見。當知有許多青年，以大著爲菽粟水火而不可一日缺者，目下雖無明效大驗之可言。然先生既以筆以墨以心以血爲之下種，爲之栽培，則五年十年二十年後，收穫之豐，不言可喻。先生幸勿以普通社會之卑污齷齪，一部份人之苟安旦夕，遂謂青年界無一人可資造就。當知有許多良好青年，正在努力修養，渴望先生大著爲修養之南針。先生一身係青年重望，務祈爲國自愛，瑣瑣奉瀆，語多不檢，乞先生諒之。畢雲程白。

僕誤陷悲觀罪戾者，非妄求速效，實以歐美之文明進化，一日千里，吾人已處於望塵莫及之地位。然多數國人猶在夢中，而自以爲是，不知吾之道德政治工藝，甚至於日用品，不獨洋釘洋針，充斥吾市，即寫字之墨，日食之米，年來粵商購米，不之長江而之越南，以釐稅重也。外貨亦日漸輸入，其他大宗之布帛紙油香煙肥皂等等，更何論焉。無一不在劣敗淘汰之數。雖有極少數開明之士，其何救於滅亡之運命，迫在目前。蓋若烈火焚居，及於眉睫矣。急不擇語，咎又奚辭。惟既生斯土，

聊盡我心，一息尚存，寸心不懈，此可告於愛我責我之良友者也。

獨秀謹復

獨秀先生大鑒。屢讀大著，茅塞頓開。先生熱心救世，爲吾青年造福，無任欽佩。今僕有一問題，與青年前

途似有莫大關係，敢乞先生注意。問題爲何，卽早婚是也。竊思青年有志之士，而欲成功一事業，必先養成六種之要素，六種之要素爲何。

一日學問

二日恆心

三日資本

四日經驗

五日信用(卽道德)

六日身體(卽健全之身體)

以上六種要素爲成事之本，缺一不可。然而吾國青春少年，皆因早婚之故，致其學問不能進步，恆心不能到底，資本不能積蓄，經驗不能富足，信用不能維持，身體不能強健。於是乎其希望永無達到，其事業永無成功。溯其原因，良可浩歎。觀於近來青年成功者之不多，而社會事業之不發達，雖其原因綜錯不止一端，而早婚之害，則已事實彰彰者也。夫家庭之組織，非真有害而無利，要必先有自立之資格，而後方能養育其妻子。否則自身尙欲依賴於他人，更有何力顧及妻子乎？故不能自立之人，強之結婚，則種種之害相因而生。雖有智者，亦不能避也。彼歐美日本等國，其國民非至法定之年齡，無自立之資格，不得結婚。故彼國之青年，精神活潑，毫無愁苦。彼國之事業蒸蒸日上，日愈發達。吾國則不然，既無法律之限制，又無相當之勸導，青年無知，僅知其可喜，不知其可懼。及至木已成舟，悔悟不及，一生榮枯，因此而

定。據僕所聞。今日非但中下等社會中。十數歲之國民。結婚者比比皆是。即在校受教育尙未畢業之學生。自十六歲以上。二十二歲以下者。十分之七。皆已成婚。嗚呼。吾國之爲父母者。對於此蓬蓬勃勃。有望有爲。任重責大之青年。不知養成其智育德育體育之完全人格。而反汲汲於有害無利之婚姻。是急無端。使其兒女相處於黑黯家庭之間。增其担負。束其自由。處置其於永遠不能自拔自離之境。嗚呼。亦可憐矣。故吾常見許多青年。之不能成功。非真不能成功也。其可憐之境。遇使之不能成功耳。許多青年之墮落。亦非其自甘於墮落也。而其可憐之境。遇使之墮落耳。此雖過激之言。然亦實情也。僕自幼貧苦失學。年十六來滬習商。藉以糊口。當時困苦萬狀。非但西文莫名其妙。即粗淺之中文。亦難卒讀。其後幸抱定一暫不結婚之宗旨。日則以新聞紙爲吾良友。夜則風雨不細。研習英文。迄今忽忽十年。自問學問雖無門徑。而對於吾個人自立之基礎。已稍稍成功。再俟數年。僕即依此基礎。謹慎進行。雖將來之結果如何。不可預知。然而比之於許多已成婚可憐之青年。略勝一籌也。然僕若起初稍一不慎。則亦成一不能自拔之無告青年矣。可謂險矣。僕意今日已受害之青年。雖屬可憐。而未受害之青年。又將紛紛加入。素仰先生以教青年爲職志。一言一語。皆爲青年界之晨鐘。可否將早婚之害。時時著文宣之報端。使一斑有志未婚之青年。讀之有所覺悟。得以造成其自立自由之基礎。此功德當無量也。餘不白。

莫芙卿頓首

以吾國今日經濟狀態。宜盛行獨身主義。因產業加增之率。低於人口加增之率也。以腦力體力衰敝言之。宜勵行擇種留良之法。禁止惡劣分子之結婚。豈獨早婚之應戒已哉。獨秀謹復

獨秀先生大鑒。刻於二號大誌，拜讀教言，承詢敝寓地址，以便約地相叙，閱竟不勝雀躍。蓋昔讀先生文字，已欲神往，況得親聆教誨乎。昔人云：聽君一席話，勝讀十年書。僕於先生亦云。敝寓地址在英租界天津路Q字九十四號。現因校中宿舍已滿，暫行通學。每日午後在此自修。如荷惠函，相約徑寄此間可也。前見大誌二卷一號大著『新青年』一文，提倡青年之體育，頗力。僕友張士一先生，體育家也。十年來研究體育，不遺餘力。近復著書立說，灌輸西洋最新體育家學說於國人。張先生嘗謂僕云：西洋舊式之孫唐體操及吾國舊有之八段錦等，均偏於身體一部分之強壯，而忽於全體之康健。故西方體育家恆不及中年而夭折。吾國拳術家亦然。因彼曹多奮力鍛練其四肢之筋肉，不顧其胃臟之衛生。於是病菌得其弱點而攻之，鮮不被其敗北者。西諺所謂『欲察一鐵練之耐重量，必注目於最小之一環』。故吾人之身體，貴有平勻之發達，不規則之運動，與不運動等耳。蓋張先生致力於『體育哲理』、『運動生理學』、『運動解剖學』，皆為吾國體育家所未嘗聞問者也。僕曾求其關於青年之體育問題，假大誌發表，已荷首肯。渠頗服膺先生之學問文章。若得僕之介紹，使兩先生有握手之機會，想渠必更為大誌助力也。張先生邃於國學及英語，現受聘中華書局任英文編輯員也。書至此，僕更有一事為先生告者：吾國青年體育孱弱之原因，雖種種，而要以思想界有兩種舊說為害尤烈。一曰以弱不勝衣為女子肉體之美。一曰貞潔之操行，於男子為小德，夫女子之天性，富於美術思想，既羣以效顰為美，故不惜自弱其身，以趨時好。抑舊社會更以女子天足闊步為詬病，必使之深閉閨中而後快。否則即指為不德矣。若夫男子則常為法律以外之自由。置妾者可假借不孝，有子無後為大之厲言。冶遊者可假借大德無喪，小德出入

可也之陳死人語。自六〇六輸入後。國中之患花柳病者日衆。既害自身。復弱子孫。劣種流傳。國力日蹙。同一罪惡。苟出之於女子。則衆且以不貞潔之大罪加之。社會且輾轉傳佈曰淫婦。嗚呼。『貞潔』二字。若專爲女子設也。曠以如此之父母。產生之子女。安有健康之望哉。僕之欲以此意爲吾國青年告者久矣。苦於不文。未敢冒昧。今願先生於下期大誌。爲文一破此腐朽之思想。代僕一言。則造福吾青年界者多矣。專此佈達。卽請著安。

李平謹上

承介紹張先生。甚感。餘待面談。

獨秀

新青年記者大鑒。讀最近大誌吳先生之『青年與工具』一篇。不啻對於我青年界之獅子吼。但所謂刨床鑽臺鋸座。吾青年曾目覩其物耳。聆其名者。恐寥寥無幾人。若自修室中有之。殆可謂全國無一人矣。鄙意擬求吳先生。將該三物之結構形式各繪雛形。登諸貴誌。并說明其功用。及普通工界名稱。與上海在何處購買。又擬求貴社諸先生。提倡我國之工場。製造此等工具。倘能與商務印書館周君厚坤。商量製造較簡單之刨床鑽臺鋸座。廉價出售。以惠我青年界。卽以福我中國之前途。則庶幾吳先生之文。爲不虛矣。再讀第二卷第一號大誌。有湖南舒新城君投函。願提倡社會服務。以改良社會。熱忱卓見。實獲我心。惟社會服務。千條萬縷。從何入手。鄙意擬請舒君。或貴社記者。擬一入手辦法。或一人單獨可行者。或須數人共同行之者。務須簡便易行。俾同志青年。可以着手試辦。鄙人不敏。願爲先驅。再鄙人欲讀英美兩國關於新學說。或時事之著名雜誌。以何者爲佳。請貴記者列舉數種見答。俾有遵循。不勝感禱。卽請道安。

陳蓬心謹白

示悉。社會服務誠爲美風。惟國中公共事業不甚發達。習慣未成。難以實舉。鄙人尤有望於青年諸君者。首以「爲自己服務。不令他人爲己服務」爲第一要義。歐美著名書報甚多。各科派別分歧。非片紙可罄。本誌將設介紹書報一欄。以副讀者諸君之望。所詢工具之事。別由吳先生撰文奉答。茲不及。

記者

獨秀君足下。(中略)僕居京非所宜。素性好動。君之所知。在寓與謝君設的習射。亦頗有趣。吾國之不振。以愚見。乃在國民性好文而厭武。不武之民。不特體弱。性亦弱也。新青年與共和再現。精采可觀。鄙意爲青年第一以體育爲主。不特個體健康。爲人生大福。欲從事改良民族之劣根惡性。除於武藝下功夫。決無他望。然所謂功夫者。不獨言身體也。精神上亦要有功夫。日本人能得其旨。所以能存我國人神昏體弱。焉能。不道。喪德。敗家。亡國。破乎。救之之道。在吾輩。尤望貴雜誌提倡之。此上。

潘贊化白

陳仲
編撰

上海

羣

蘇元
瑛編

漢釋英文選

是書乃美國華盛頓歐文 Washington Irving 初歐渡陸紀行之作都計二十四章所言多西歐風俗文章幽秀縹雅美若詩畫且駢辭輕妙絕無艱深難解之病英俗巧於誇美而於是書則舉國上下皆喜讀之書中以一百之半列原文以其半列漢釋漢釋之文清潔無滓尤為可貴卷末附錄英美文家年表最便考知歷代名著

是書為中人之通英文及英人之通中文者雜譯中國及英國極優美之詩詞而成中國之詩詞上溯周秦下迄近世皆有選錄悉英譯之英人之著作則又以漢文譯之都七十餘首中國譯界得未曾有譯事中惟詩詞最難顯達而此書之作則皆詞氣湊泊神情宛肖不失原文意旨特前此散見羣籍未嘗成書曼殊室主人吾國之夙於世界文學者也見而惜之因集錄以成是冊名之文學因緣蓋謂文學界中不可多得之事也

漢英文學因緣

第一編
定價
大洋
三角

印行

益

全一冊
定價
三角
五分

美國東湖
先生原著

中英會話辭典

袖珍精裝一冊
定價一元二角

本書著者為美國博言博士 F. W. H. Starks。東湖先生書中體例首編摘取日常所用各種名詞形容詞分章節目別類提出以便學者易於暗記。二編為普通各種會話。三編為商業各種會話。四編為普通及商業往復各種信札其信札之稱呼格式以及商業上之常用省畧語字廣告樣式招牌文字等無不一一彙舉計凡分一百六十餘類可謂搜羅宏富而剖別至於細微又臚列極有順序無絲毫凌雜紛亂之弊意有所需翻索即得其中會話體裁宛若兩人對坐互相應答按時按事徹始徹終尤為本書之特色洵會話書中最整秩完備之作迥非徒然抄集多數散語而成者所可望其項背者也。

上海羣益書社
行 印

陳言
編 著

和漢熟語字典

精裝大本一冊
定價一元二角

北京清華學校參觀記

程宗泗

北京之有清華學校，創始於前清末季。民國肇興，賡續辦理。一切經費，由外交部於美國退還賠款項下撥充。查該校學程，係參酌中美學科制度，分設高等中等兩科。各四年畢業。而高等之中，又分文科實科。以造成能考入美國大學，與彼邦人士受同等之教育為範圍。例於每年上學期之始，招收中等科第一、二年級學生。由該校先期咨行各省教育行政長官，在各該省招考學生。年齡限於十一歲以上，十三歲以下。省試錄正取者，附以西醫查驗體質證書及履歷表，送校覆試。其在江浙諸省，交通便利，得風氣之先，每屆省試人數恒逾定額數倍。而吾皖赴省投考者，則人數寥寥。本屆招考之期，予攜兒子赴省應試。報名者不滿二十人。皖江以南祇居其一。兒子幸獲取錄。八月下旬，復送其入都覆試。詢知該校建設在北、京西直門外海澱東北之清華園，故名清華學校。覆試之期，各省學生分爲三日。九月六日爲安徽、江西、浙江、湖北、湖南、福建六省學校覆試日期。予寓宣武門外之休寧館。是晨乘人力車入宣武門，經西四牌樓，出西直門，復乘京綏路火車，約行十餘里，抵清華園車站。據云，此站實爲該校而設。下車步行里許，乃抵清華園。一入校門，則見有舊學生歡迎新同學。有指導新生報到，送入各教室分受試驗者。有延護送員入招待室休憩者。清華園左右無飲食店。護送員均由校中備午膳。是日午前試英文算術，午後試國文。覆驗體質，就中體質之健全與否，與取錄頗有關係。當查驗時，齊集各生於醫室門外，按號而入。經醫生檢查，該付以紙條，上書「No.」字者（經過之意）即無病。如查有與本省送來體質證書不符，或臨時發

生他種傳染症者，亦付以紙條，說明其爲何種病症。各生驗畢，持此條謁見校長。校長對於各生，略問數語。凡經查驗無病者，當時給以保證書（保證書俟取錄後，覓在京有職業者爲正保人，復由正保人代覓副保人，以便彼此易於接洽）。有病者，雖學程及格，當時亦不給與保證書。由是觀之，我國青年無論入何校，體質健全，實爲第一要件。西醫之檢驗體質，最注重者爲肺勞、目疾、花柳遺傳，以及其他傳染症。按花柳遺傳，其症起於未出生以前，爲禍最烈，弱國滅種，實造端於此。日人近有廢止公娼論，蓋以此種營業，聚居一處，流毒愈甚，不若一任自然，其爲害猶淺也。我國自有花捐以來，向之所謂私門，今皆列入花籍，分爲等級矣。青年偶一不慎，不獨自身墮落而已，抑且害及子孫，可不畏哉。至於肺病，我國人亦漸知預防之法，無俟贅言。惟目疾最爲人所易忽者，蓋此種目疾，非指視力之遠近而言，乃上下眼皮內，發生一種顆粒性結膜炎 *Trochoma*。按此症之傳染，多由於酒樓茶肆，以及舟車浴池，不潔之手巾拭面所致。據西醫云，我國人傳染此症者，十居七八。雖不若肺勞有生命之憂，然久而不治，甚至於喪明者，亦往往有之。願我國青年有志向學者，隨地隨時，善爲防衛。是日午後，有皖省舊學生徐君，引僕等游覽校園。據云，周圍約九里許。校中設有電氣房、儲蓄銀行、郵務局、書店、水菓餅餌店、西式浴池、游泳池。學生宿舍，俱用鐵床，床下有鐵絲廚，以備置零星物件。壁間安置火爐。高等宿舍，則有溫水管。蚊帳被單，俱歸校製，一律白色。各生另有白布袋二隻，每日所換衣服，置之袋內，由洗濯所收去，輪流更換，取其潔也。運動場之賽跑團，圍約四百碼。拋球、浪橋之類，不一而足。園內空地，兩旁植柳，中有小山坡，坡上多古柏，又有舊式工字亭，爲開茶話會之所。亭前有荷池，冬日冰凍甚堅，學生可賽跑於其上。此外花草樹木，皆修飾齊。

整頓饒雅觀。學生課餘之暇。遊戲園林。備極活潑悠揚之致。近在建築中者。有大禮堂。體育館。圖書館。規模宏大。殆爲我國學校前此所未有。游既畢。學生覆試亦竣。事遂回廬。翌日午後。校中發來通告書。兒子已獲取錄。九月十日復送其入校。由舊生指導入校。一切手續。甚至鋪床疊被。一切細故。亦教導之一種親愛之情。溢於言表。新生入校之初。不僅免茫無頭緒之痛苦。並且舉離鄉千里之感。而空之辦理之善。於此可見。校中更有一事。須與家庭協力進行者。則青年早婚是也。今將該校與家庭書錄如下。

逕啓者。青年早婚一事。歷經多數教育家討論限制之法。惟我國法章。既未明定嫁娶年齡。習俗又有子孫繁衍之尙。是以迄今尙無安定限制之法。敝校有鑒於此。竊欲挽此頹風。先從本校創其始。擬於本學年起嚴厲禁止學生早婚。凡在本校未畢業及已畢業而受本校官費游美留學期內。一概不得婚娶。違者卽令退學。或停給官費。決不姑與優容。查早婚之弊。見於書籍者累矣。既礙英年身心之發育。又妨學業之進步。推其禍害。必至德智體三育。一無增進。人種薄弱。至不可思議之點爲止。本校爲國儲材。應卽培養完全人格。事事務求其遠者大者。當學生在校。雖不惜苦口勸誡。而習尙所及。實際上仍未全見效果。是不得不仰賴貴家庭。與學校協力進行。杜此弱國病種之弊。想貴家長愛護子弟。期望子弟之盛心。當不亞於忝爲師長之人。特此專函通告。務希毅力贊助。以匡不逮。他日果若德智體各育並進。蔚爲全材。不獨身受者獲益匪淺。且亦貴家庭教育之善果。推而至於扶世導俗。尤端賴此以爲初基。耿耿愚忱。諸希詳察。并乞鼎力樂成。專此布頌台祺。

北京清華學校

或者謂入美國流之學校。將來於學問上雖得良結果。然恐與我國家庭精神上之統系。不相聯屬。是說

也。鄙意以爲不然。何則世界之文化固有進而無已。東洋文明在崇拜祖先事必師古。故其民族乏獨立自尊之氣象。西洋文明在尊重個人。知後人當有勝前人之義務。故其民族多自由自取之精神。觀清華學校之教育可知矣。

經濟學大意

津村秀原著

彭耕譯

津村氏在日本經濟學新派中 最爲知名 而著書體裁之賅博無偏 文章之明白暢達 則幾乎有獨無偶 初著國民經濟學原論一書 新穎綿密 爲前輩所嘆服 因之得授博士學位 後復續著本書 則一以簡明爲主 蓋前書篇幅繁多 專供參考 本書乃概括大要 取便學校中作爲課本 惟其文字顯明 引例活潑 凡無師承而欲以簡易方法學經濟者 每皆於是書求之 足知其最合攻究斯學者之心理矣 彭君謂尤宜於我國 因復以明潔之文字譯述之 於津村氏原作佳處 未嘗稍失 且據我國經濟情形 間附小註 事實學理一總治之 更爲親切有味 全一册 定價六角

世界說苑

李亦民

英國人之遊戲運動狂

遊戲運動。爲歐美人之普通嗜好。而英人尤甚。倫敦市關於運動之新聞雜誌。種類頗多。銷場之旺。幾與普通報紙相埒。可窺見其大凡也。更自實際觀察之。其人民無貴賤貧富。對於運動之熱心。非他國人所能望其項背。雖耗莫大之金錢與時光。無或惜也。據精通此道者所調查。其消費金額。約如左表。

運動之種類	投資金額	消費年額
狐獵	一萬五千六百萬元	八千七百五十八萬元
銃獵	四千六百七十萬元	八千一百二十八萬元
捕魚	五百五十萬元	五百八十九萬元
競走	八千三百二十萬元	一萬五百九十三萬元
競舟	五千六百萬元	三千五十二萬元
狩獵	五百二十萬元	三百十七萬四千元
馬車	二百九十萬五千元	二百三十七萬七千九百五十元
打球	八十七萬元	一百十萬五千元
棒球戲(Golf)	五百二十五萬元	七百二十五萬四千五百元

短 艇

二百八十四萬元

五百七十四萬三千元

踢球及 Cricket, 一萬七百六十三萬元

一萬一千七百七十二萬元

依表總計。則英人關於游戲之永久投資。爲四萬六千六百十三萬二千五百元。消費年額。爲四萬四千七百七十五萬四千五百元。合計之。超過吾國總歲入約三倍。其銷費年額。約與吾國總歲出相埒。不可謂非驚人之事矣。再述其舉行游戲之次數。與參與游戲之人數。尙非短少之紙幅所許。大概每星期六。午后。盡人活動於綠草之廣場。遇有特別集合。則以六先令至數辨士之入場券。號召數十萬之觀者。非希罕之事也。

英國自本年以前(一九一六年)無強制兵役。以臨時募集。短期訓練之義勇兵。捍衛疆土。未嘗示弱於人。即國民運動。好尙。身體慣經鍛鍊之賜也。其民間運動。耗費。比較陸海軍歲出。並有增加。(據一九〇七年統計。聯合王國陸軍費。纔一億五千萬元。海軍費三億三千五百萬)論者謂當以民間運動。費併入國防歲計之中。非虛語也。况其活潑精神。發揚意氣。尤有非常效驗。較諸吾國之勾欄奔走。喝雉呼盧。其相去。豈可以道里計哉。

倫敦之交際社會

今世之幸運兒。莫英人若也。而英人中之幸運兒。又爲掌握土地金錢之豪貴。人數不出五十萬。倫敦之交際社會。乃若曹活動之舞臺。普通人民。不與焉。交際盛行之時期。在五六七三月。其時爲倫敦之政治季節。且不適於田野游行。以相率集中倫敦。某也晚餐。某也跳舞。某也觀劇。某也游戲。東帖紛飛。受者窮。

於記憶。不得不按名登錄。以備赴會。每宴必有如花之女主。款洽來賓。蓋此等宴會。半出於有意味之交際。半出於貴婦人之虛榮心。而婚約之由此目成。尤爲數見。不啻爲青年男女。造一良晤之機緣也。其在政治上之作用。有時會政敵於一堂。使爲感情上之融洽。有時招待外賓。爲國民之交際。或款洽殖民地。與領地遊客。以結納其歡心。雖踵事增華。與純粹之酒池肉林。貪圖宴樂者。固自有別。每屆交際時期。報紙特闢數欄。以供記述。因普通社會對於若曹行動。不肯視若等閑也。此等交際場中。對於豪貴。有一種極強之裁判。卽苟無一藝一能者。駁至不得出場。是也。坐是豪貴之家。不分男女。必習一藝之長。以保持其顏面。或運動。或遊戲。或政治。或冒險。或企業。或文藝。皆可於會場供他人之贊賞。非是則受人齒冷。受人奚落。後此再逢宴會。勢且視爲畏途。其豪貴子弟。極少游蕩酣嬉。是故也。

英人統治印度之成績

英人自述其統治印度。恒謂印人如何幸福。對於祖國（英國）如何忠誠。然美國前國務總理白利安氏。謂英人以自己利益爲本位。取得其權利而保持之。印人生死初不在其意計也。嚴刑罰。厚稅歛。而衛生與教育。則非印人所需。且不許自治。不許爲官。概以厚糈由英人代辦。每歲捲取印度資金二萬萬以外。坐視印人之飢寒。載道死亡。枕藉而不稍顧恤。嗚呼。亡國人民之幸福。其質量乃如白氏所云。世間以自己利益爲本位之民族。蓋不獨英人已也。而英人族性。則以富於「市儈頭腦」著聞天下。其眼中甯復知有他人。近頃印人常有自訴其苦痛於寰球。以爲印度復興之夢想者。所述英人之治蹟。足供吾人一盼。

(一)英人每歲由印度吸取資金三萬三千四百萬元。其結果使印人每日之平均收入。不出五厘。

(二)地租居全租稅六成五分之重額。

(三)英領印度二萬四千萬人。教育費五千萬元。衛生費一千二百萬元。而軍防費則達一萬九千四百萬之鉅額。

(四)印度隸英以來。飢饉歲見。過去十年間。男婦老少之餓斃者。達二千萬人。

(五)過去十六年間。死於疫者八百萬人。其死亡率。自千人之二十四。增加至三十四。

(六)英人挑撥印度內訌。以增植其勢力。至今不已。

(七)住居印境之英人。殺印人。辱印婦。皆不爲罪。今仍不改。

(八)取貨幣於印度教徒及回教徒。以給與基督教之宣教師。

(九)挑撥印度教徒與回教徒之衝突。無時或已。

(十)爲英人利益。而破壞印度之技術及工藝。

(十一)使用印人金錢。犧牲印人生命。以侵略中華。征服波斯。緬甸。埃及。阿富汗。攻擊德意志。

此類文字。早已到處紛飛。惟吾人罕見之耳。然而英人之深仁厚澤。二萬萬印度民族。已身受者百五十年矣。

投稿簡章

- 一 來稿無論或撰或譯皆所歡迎一經選登奉酬現金每千字自二元至五元
- 二 來稿譯自東西文者請將原文一并寄下
- 三 本誌每面十六行每行四十字稿紙能與相合最妙字以明顯為佳
- 四 來稿以未經登載各處日報及他雜誌者為限
- 五 來稿無論登載與否概不退還聲明必還亦當照辦
- 六 寄稿最好由郵局掛號擲下本社即以該局回單蓋戳為憑不另作覆
- 七 收稿處上海棋盤街羣益書社

新青年第一卷第三號

中華民國五年十一月一日

編輯者 新青年雜誌社

發行者 羣益書社

印刷者 羣益書社

總發行所 上海棋盤街 羣益書社

郵費			定價	
國外	日本	每冊分半	一冊	六角
			半年六冊	二元
	其他	每冊六分	全年十二冊	二元

▲廣告價目 另有詳章
▲如蒙惠顧 即行奉告 ▼

[G e n e r a l I n f o r m a t i o n]

书名 = 新青年第二卷第三号中华民国五年十一月 >

作者 =

页数 = 98

SS号 = 0

出版日期 =

目录
正文